

# توفيق الحكيم



# أهل الفن

مجموعة قصصية

1934



مكتبة علي بن صالح الرقمية

إلى

«الأُسطى حميدة الإسكندرانية»:

أول مَن علّمني كلمة «الفن»

### فى القاهرة

#### العوالم

قُبيل قيام القطار من محطة مصر بنحو خمس دقائق ... نزُلُ الحاج محمد المطيّب من عَرَبة الدّرجة الثالثة ... ووقَفَ على الرصيف بجوار النافذة ... يُجفّف عَرَقه، ويسعل سعال «أصحاب الكيف» الذين يعيشون بأنفاس «التعميرة» ... ثم صاح: يا الله ... رمضان كريم.

وسعل سعلة انتهت ببصقة كبيرة ... وألقى نظرة اطمئنان سريعة على الأسطى حميدة وجميع أفراد التّخت ... وقد «انحشرن » في مقعدين متقابلين بطرف العربة ... تتوسطهن صرر الآلات ... ثم قال: أديني بلا قافية رسْتَأتُكم في رُكن مُعتبر ... خلّيكو بقى كده بإذن الله لحد محطة سيدي جابر.

فرفعت الأسطى حميدة يديها إلى السماء بقوة: شي لله يا سيدي جابر ... الفاتحة يا ولاد لسيدي جابر.

فصاح الحاج محمد بسرعة: بس حاسبي ... بلا قافية إيدك حاتوَقٌع الرِّق من فوق الصرة على العُود تنقطم رقبته.

- شر بره وبعید ... شي لله یا سیدي جابر ... إلهي یجبر بخاطرنا ... بسره الباتع ... إلّا یا حاج محمد ... دی المستعجلة دی والّا المفتخر !
  - المستعجلة ... هو من غير مؤاخذة المفتخر يبقى فيه «ترْسُو»؟
    - هلبت على كده ما نطُب هناك بعد مُدفع الفطور.
- على أبو التسعين ... حاتلاقوا حُد من طُرُف بيت الفُرُح مستنظر كم على المحطة.

وعندئذ رنت ضحكة سخرية من سلُم «الرقاقة» العاجزة، أردفتْها بقولها: وإن ما كانش حد في استنظارنا يا ادلُعدي ... دي ساعة فطار وكل من كان همه في بطنه.

فَالْتَفَتَتُ إليها الأُسطى حميدة وقالت: النبي تنسدِّي ... وتحطِّي على ميلتِك برش ... العلوان معايه.

فابتسم الحاج محمد وقال: براوه عليك يا أُسطى حميدة ... أهو بلا قافية إن ما كانش حد في استنظار كم، أديك معاك العلوان.

وكأن الأُسطى حميدة (بجلالة قَدْرها) لم تفكّر في العنوان إلّا في هذه اللحظة ... ذلك لأنها أخذت فجأة تبحث عنه في ملابسها وفي صدرها ... ثم النّتفتت إلى فاطمة «الرقاصة» وقالت بقلق: بِت يا فاطنة ... الورقة اللي اديتها لك فين ... واحنا في الحنطور؟

فأجابتُها: ما هي ملفوف فيها الصاجات.

فدقّت الأُسطى حميدة على صدرها صارخةً: صاجات يا بت؟ ... الورقة اللي فيها العلوان ... إلهى يسخطك!

فتجهّم وجه الحاج محمد قليلًا وقال: بقى بلا قافية مش عارفين تستحرصوا على حتة ورقة؟!

وهنا دق جرس المحطة الأول، فصاح جميع أفراد التّخت في وقت واحد بغير نظام ولا ترتيب: نشوف وشّك في خير يا حاج محمد.

ولكن الحاج محمد أشار إليهم بالسكون: هُس ... لسّه ... هُس سمع ... لسه فاضل كمان من غير مؤاخذة جرس.

ثم سعل وبصق وصاح: يا الله ... رمضان كريم.

فقالت الأسطى حميدة وهي تبتسم بخبث: بحق يا حاج محمد ... دا انت صايم ... الهي يصبر ك.

فلَمْ يُجب الحاج محمد ... ولم يتنبه إلى ابتسامات الخُبث والسخرية التي تُبُودلت بين جميع أفراد الجوق ... واستمر يُتمتم بذكر الله والصيام ... ثم رفع رأسه وقال: بقى فهمْتُم بلا قافية تعملوا إيه في محطة سيدي جابر؟ ... تسألوا على بيت محمد بك قطبي، زي اللي مكتوب في الورقة ... محمد بك قطبي من أعيان إسكندرية، أَلْف من يدلكم عليه.

وفى هذه اللحظة صفر القطار، فصاح الحاج محمد: هه ... يا جماعة ... مش لازمكم

فصرختْ سلُم الضريرة: حاج محمد ... يا حاج محمد ... لازمنا قُلة مَيّه.

فأجاب الحاج محمد مُنتهِرًا: قُلة مَيّه إيه؟! إحنا في رمضان يا ولية ... اتقي الله ... واختشي على عرضك.

فهزّت نجية «الطبّالة» رأسها وقالت: حِكَم ... بقى المَيّه يا حاج محمد والّا التعميرة؟

فصاح الحاج محمد بغضب: تعميرة إيه يا مره؟ ... وحق صيامي ...

فقاطعته نجية: صيامك؟ ... صيامك أنهو ده يا روحي؟! ... ما تقولش كده أُمَّال ... دانا شايفاك بعيني الصبح في إيدك الجوزة وقاعد تُكح وتنبر!

وأراد الحاج محمد أن يتكلم فقاطعته الأسطى حميدة مغيرة مُجرى الحديث فضاً للنزاع ... وقالت بعد أن غمزت «الطبّالة» نجية بطرف عينها: الحاج محمد صايم، زي مانا صايمة ... فضّكم يا ولاد من السيرة الغبرة دي فضّكم ... قطيعة ... أه ... حاج محمد ... يا حاج محمد ... شوفي ياختي ... نسيت أقول لك ... يا دي الحوسة ... الأرانب أمانة في رقبتك يا حاج محمد، ما تنساش ترمي للأرانب فوق السطح قشر العُجّور ... أمانة عليك ... السيدة في ضهرك!

وهنا دقّ الجرس الأخير ... وعلا الضجيج من كلّ جانب ...

وتحرك القطار بين صياح أفراد التّخت: نشوف وشك في خير يا حاج محمد.

وبين صياح الحاج محمد: مع السلامة.

واختلطت هذه الأصوات بعضها ببعض، حتى لم يعد في مقدور الحاج محمد و لا غير الحاج محمد و لا غير الحاج محمد أن يُميّز كلمة «الأرانب» أو جملة «نشوف وشك في خير.» من بين هذه الأصوات المختلطة ... ومع ذلك استمر في هذا الصياح الغريزي كل من الطرفين ... كأنما كل يصيح للصياح نفسه ... إلى أن ابتعد القطار ... وعندئذ هدأ كل لنفسه.

\* \* \*

جلَسَ أفراد التّخت برهة من الزمن في سكون عميق، كأنما فراق مصر — ولو لمهمّة قصيرة المدى — أدخل على نفوسهن أثراً مُحزناً ووحشة مؤثّرة.

لم يقطع هذا السكون القاتم غير صوت سللم الضريرة قائلةً: يوه ... شوفي ياختي

نسينا نقول للحاج محمد يشتري لنا دخان ... بقى هو بسلامته باكه السمسون اللي معانه حايكفى طول النهار؟!

فلَمْ يُجِب أحد ... واستمرّ كلّ في سكونه وإطراقه.

وأخيراً رفعت الأسطى حميدة رأسها قليلًا، وتنهّدت ثم قالت بتأثّر: يا حبيبتي يا مصر!

وكأنَّ هذه الجملة كانت تُعبّر تمامًا عن إحساس الجميع، فأطرَقَ الكلّ لحظةً ...

ثم بدأ كلّ يرفع رأسه وينظُر حوله، ليُرفّه عن نَفْسه.

فقالت سللم العاجزة: كلها بكرة ونرجع تاني لبلدنا.

وقالت نجية «الطبّالة» بابتسام وعيناها ترمقان المقعد التالي: وهي إسكندرية وحشة؟ ... والنبي إسكندرية روح ...

وقالت فاطمة «الرقاصة» وعيناها كذلك ترمُقان بدلال المقعد التالي المُلاصِق: إسكندرية مريّة، وترابها زعفران.

وهكذا أخذ يُسرّى عن الجميع ... وتتلاشى آثار الوَحشة ... فعاد الصفاء إلى وجه الأُسطى حميدة، وقالت: سلُم ... لفّي لي سيجارة.

تناولت سلُم علبة الدّخان، وجعلت «تلفّ» سيجارة، بينما أخذت الأسطى حميدة تتلفّت حولها متصفّحة وجوه المسافرين، ثم نظرت إلى فاطمة ونجية، وقالت بتهكم: حسرة وندامة على دُول ركّاب!

\* \* \*

أصابت الأُسطى حميدة ... في الواقع أغلب الركّاب كانوا من الصعايدة والفلاحين ... ومع ذلك فإن الأُسطى حميدة، بعيونها الكحيلة، لم تَلمَح خلْفَها أصحابَ المقعد التالى المتلاصق ... أصحابه أربعة: ثلاثة أفندية ... ورابع يرتدي «بنش» وطربوشاً.

وإذا أرادت الأسطى حميدة أن تعرف أكثر من ذلك، فلتعلم أن هؤلاء الأربعة من حين أن تحرك القطار لم يفتروا لحظة عن النظر إليها، وإلى هيئة التّخت، ما عدا سلم «العمياء» ... وإذا أرادت الأسطى حميدة إفصاحًا، فلتسل عيون نجية وفاطمة.

«لفّت » سلُم السيجارة، ثم دقّت على صدرها قائلة: يوه ... يا ندامة الشوم ... ما معناش كبريت!

وفي هذه اللحظة ظهر مفتِّش التذاكر، ودق على جدار العربة «بكماً شته» وصاح: تذاكر قليوب.

فصاحت سُلُم وهي تُدير وجهها نحو مصدر صوت المفتِّش: يا حضرة المفتِّش ... ما معاكش كبريت إلهى ما تغلّب لك ولية؟!

فأجاب المفتّش ببرود: كبريت إيه؟

فقالت الأسطى حميدة متلطّفة: ما تآخذناش، بس نولع السيجارة.

فقال المفتّش بتحفّظ، وبغير أن يلتفت نحوهن: أنتم فاطرين رمضان والّا إيه؟

وكان قد وصلاً إلى المقعد التالي المُلاصق، فسرعان ما تنحنح «لابس البنش» ورأى الفرصة سانحة للكلام، فقال: الفطار مُباح لأهل الحظ يا سيدنا المفتّش!

فلَمْ يُجِب المفتِّش ... بل لزم بروده وتحفُّظه ... وجعلَ يؤدِّي أعمال وظيفته بجِدّ جافِّ ... إلى أن ابتعد ... فقالت الأسطى حميدة: يا سم على ده مفتّش!

فردت فاطمة وهي تنظر إلى الأفندية أصحاب المقعد الملاصق: ياختي حقًا، ماله إنط كده ومتْعَنْطَظ بعيد عنك؟!

فتنحنح «البس البنش» وقال: ما هو اللي زي ده — من غير مؤاخذة — فاهم نُفْسه الحكومة.

فصادقت فاطمة على كلامه ... ثم أخنا الجميع، «العوالم» من جهة و «الأفندية» من جهة أخرى، يتحد ثون لحظة على حساب هذا المفتس ... إلى أن قال أحد الأفندية: جرى خير ... الحمد لله.

وقال الثاني بلُطف: الكبريت معانا يا ستّات.

وزاد الثالث: ومعانا سجاير كمان.

ثم تنحنح «لابس البنش» وقال: حضرتكم نازلين فين ... ولو فيها رزالة؟

فردت سلُم بسرعة كأنها مغتبطة بمعرفة هؤلاء الذين معهم الكبريت والسجاير: سيدي جابر يا ادلعدي.

فصاح الرجال: زينا بقى ... سكة واحدة إن شاء الله ... إحنا نازلين إسكندرية. وأضاف أَحد الأفندية: الليلة بإذن الله نصلي التراويح في سيدي «أبو العباس».

وتنحنح «لابس البنش» مرةً أخرى ثم قال: أظن حضرتكم مسافرين في فُرَح؟

فقالت الأُسطى حميدة بعظمة وتفاخُر: أيوه يافندم ... فَرَح — اسم الله — محمد بك ... إيه يا بت يا فاطنة؟

فردت فاطمة بسرعة: محمد بك قطبي.

فنظرت الأسطى حميدة إلى الأفندية وقالت: محمد بك قطبي من أعيان إسكندرية على سِن ورُمح.

- أُنعم وأكرم.

وأردَفَ أحد الأفندية: محمد بك قطبى ... أظنُّه راجل كبير؟

فأجابَت سلُم العاجزة: العريس؟ ... لا وحياتك إلا حتة جدع خفة مشلبن يشفي العليل!

فَالْتَفْتَتَ إِلِيهَا نَجِيةً قَائِلةً: إنت يعني شُفْتيه؟!

فردت سلُم: الحاج محمد كان بيقول العريس جدع صغار.

وفي هذه الأثناء أخرَج أحد الأفندية من جيبه علبة السجاير وأدارها على أفراد التّخت، وقال وهو ينظُر إلى فاطمة «الرقّاصة»: أظن الست الصغيرة هي اللي حاتلم النّقطة؟

فأجابت فاطمة بدلال: أيوه يافندي.

وقال آخر وهو ينظر إلى نجية: والست أُمَّال إيه؟

فأجابتُه نجية بابتسام: در بُكّة يافندي.

وقال الثالث «لابس البنش» للأُسطى: إحنا من حق بدنا نتشرف بالاسم الكريم.

فأجابت الأُسطى حميدة بخُيلاء: حميدة المحلوية ... واسأل في حتة باب الخلق، أَلْف من يدلك.

فقال الجميع باحترام: أنعم وأكرم.

ثم قال أحدهم وهو يُشير إلى العُود: حضرتك بقى الأسطى العوّادة؟

فأجابت : أيوه يافندم.

فتنحنح «لابس البنش» وقال: ما شاء الله ... ما شاء الله ... العُود سلطان الطّرَب ... يا سلام!

وقال آخر: معلوم ... دا أبو المُغنى والحظوظ.

ثم صمت الجميع لحظة ... قطعتْها سلُم بقولها: يعني ما حدِّش سألني أنا رخره أبقى إيه؟!

فارتبك الرجال وخجلوا قليلًا، وتمتموا باعتذارات واهية ... ثم أراد أحدهم التخلص من هذا الموقف، فأخرَج من جيبه علية السجاير وأدارها من جديد على أفراد التّخت ... غير أن سلُم بعد أن مدّت يدها وتناولت سيجارة قالت عابسة: بس كتّر خيرك يافندي ... إحنا ما نشربش غير «سمسون فرط ماركة الغزالة».

وهنا كان القطار قد وصل وصل الله محطة قليوب؛ فأبى الأفندي إلّا أن يشتري لسلُم باكه سمسون من المحطة.

\* \* \*

ما غادر القطار محطة قليوب، حتى كانت العلاقة قد استحكمت تقريبًا بين أصحاب المقعد التالي الملاصق وبين هيئة التخت ... فتنحنح «لابس البنش» وقال: بقى يا أُسطى حميدة صلّي على النبي.

فقالت: اللهم صلّ وبارك عليه.

فاستطرد «لابس البنش»: بقى احنا ولا مؤاخذة ناس صايمين، والصايم له الحق في التسالى ... والًا أنا غلطان؟!

وأردف أحد الأفندية: والله تكسبوا فينا ثواب!

وزاد آخر: لأ ... وكمان يبقى زكا عن فطاركم.

فأجابت الأسطى حميدة وهي تزجّج حاجبيها بعود ثقاب: صوتي مبحوح شويّة.

فقال «لابس البنش»: صوتك المبحوح ده سلطان الطّرُب.

وقال أحد الأفندية: أنا عايز أسمع «في العشق قضيت زماني»؛ لأن نعيمة المصرية

فقاطعتُه الأُسطى حميدة صائحةً باحتقار: يا دهوتى ... نعيمة المصرية تعرف تقول

«في العشق قضيت»؟!

فقال الأفندي بخبث: ما أنا بقول كده برده.

وهزّت سلُم رأسها ثم قالت: يا حضرة الأفندي اللي يسمعنا ما يسمعش نعيمة المصرية.

فأجاب الأفندي: أيوه، ما هو أنا ناوي ما اسمعهاش.

وصادقَت الأسطى حميدة على قول سلُم برأسها، ثم صاحت بحماس وخيلاء: قولي له ... قولى له ... أنا مين؟! دا أنا حميدة المحلّوية يامنزَغْرَطات.

فصاح «لابس البنش» باحترام: مفهوم يافندم ... ونعم ...

وفي أثناء حماس الأسطى حميدة، انحدر رأس «ملايتها» بدون أن تشعر، فظهر «الصفا» الذهبي البراق الذي يزين شعرها، كما ظهر منديل «التّرتر» في مقدم رأسها يخطف الأبصار ... وتنبّه الرجال إلى ذلك، فأخذوا يختلسون النّظر إلى شعرها بين فترة وفترة ... ولاحظت ذلك منهم فاطمة «الرقاصة»؛ فأسرعت بتنبيه الأسطى مخاطبة إياها باللغة الاصطلاحية بين «العوالم»: إطسا ... يا إطسا ... أفصك نايب ... أي: «أسطى ... يا أسطى ... صفاك باين ...» ولكن الأسطى لم تسمع أو لم تُرد أن تسمع متشاغلة بتزجيج حاجبيها بعود الثيّقاب ... ولاحظت نجية «الطبّالة» أيضاً نظرات الرجال إلى شعر الأسطى، فسرعان ما أنضمت إلى زميلتها فاطمة في تنبيه الأسطى: إطسا ... أفصك نايب ياختي.

فلم تنتبه الأسطى ... وانتبه أحد الأفندية إلى هذه الجملة الغريبة ... فلَم يفهم معناها، وقال: إطسا ... إطسا دي فين؟ ... دي وجه قبلي ...

فقال «لابس البنش»: لا لأ ... دُول بيضربوا بالسّيم.

واشتدت حدّة فاطمة لتغافل الأسطى حميدة ولنظرات الأفندية لشُعْر الأسطى، فصاحت بغيظ: ياختي ما تسمعي أمال ... أفصك نايب.

وردّدت نجية كذلك بغيظ وغيرة: ياختي الْحقي أفصك باين.

فانتبه أحد الأفندية وقال ضاحكًا: أفص مين اللي باين؟!

فاستدركت نجية بسرعة صائحة يوه ... يا دهوتي ... شوفي ياختي ... قال بدِّي أقول أفصك نايب ... قلت أفصك باين.

ثم ضحكت صحكة رنانة ... هي التي نبّهت الأسطى؛ فالتفتت ونظرَت إليها شزرًا، ثم قالت: هلبت انسخطتي لمّا ترقعي الصهلولة كده في وسط الباجور.

فقالت نجية: أُصلى غلطت وأنا بضرب بالسيم، قطيعة!

وعادت الأسطى حميدة إلى حاجبيها وعود الثّقاب؛ فقال «لابس البنش» بتوسل: يا أسطى حميدة ... أنا محسوبك ... التّقل على الصايمين حرام.

فأجابَت الأسطى بتيهِ وإعجاب: حاضر ... من عينيّ.

فقال أحد الأفندية: «في العشق قضيت.»

فأجابت الأسطى بدلال: حاضر.

فقال أفندي آخر: مش حاضر وبس ... لأ ... إحنا محاسيبك.

فقالت الأسطى: من عينى ... حاضر.

فقال «لابس البنش» مشيراً إلى العود: العود ما هو جنبك أهو يا أسطى حميدة. فأجابت «بتُقل»: حاضر ... حالًا.

ثم نظرت إلى نجية وقالت بصوت يسمعه الأفندية: آه ... ياما روحي بِتْشَفْشِفْ على فنجان قهوة سادة.

فقال «لابس البنش»: لك على يا أسطى حميدة لمّا نوصل بنها.

وقال أحد الأفندية منتهزًا الفرصة: مش نسمع «في العشق قضيت» يا أسطى حميدة والّا إيه؟ ... إحنا نرجوك رجا خصوصي.

فأجابت الأسطى بدلال و «تُقل» بنت «الكار»: حاضر ... إمسكي الرّق يا سلُم.

ثم نظر َت إلى فاطمة وسألتها همساً «بالسيم»: بت يا فاطنة ... بُصِي في وشِّي ... هلبت ما حاجب خفيف وحاجب تقيل؟

وفي هذه اللحظة حضر المفتّش؛ ليفحص تَذَاكِر من ركِب من قليوب ... فقال لطائفة التّخت بلهجته الجافّة المتحفظة: ما زادش عليكم حد؟

فأجابته الأسطى حميدة وهي تخطّ حاجبها الخفيف بعُود الثّقاب: ما زاد علينا إلا الحرقوص ...

فانصر ف المفتّش، خشية أن تنقص هيبته بمزاح هذه الطائفة.

وما كاد المفتّش يبلغ طرف العُربة الآخر ... حتى دوّى في العُربة صوتُ هيئة التّخت بأكملها مع الآلات جميعها من «عُود ورق ودربُكّة»:

«في العشق قضيت زماني، وهمي اليوم يكفاني. آه، انظروا جسمى السقيم.»

فوقف المفتِّش مبهوتًا، ووقَفت كلُّ «العربية على رِجْل».

باریس، یونیو سنة ۱۹۲۷م

## في الريف

# الزمار

(مكتب طبيب صحة في الأرياف، قاعة عارية الأرض بها مكتب قديم، وبضعة كراسي من القش فوق حصيرة، وبعض خرائط طبية على الحائط، وخرائط جغرافية لبلدة «تلا» ومقياس للنظر، وطشت صيني فوق حمّالة تصب فيه حنفية صغيرة مركبة في صهريج صغير من الزنك مُعلّق بالجدار. وبالقاعة نافذة تظهر منها مزارع خضراء وسيمافور سكة حديد مصرية، وبالجدار آلة تليفون من طراز تليفونات المراكز، وباب القاعة مفتوح على مصراعيه، يؤدي إلى شبه صالة بها بعض دكك خشبية للجلوس ...

التمرجي سالم نائم على المكتب، ورهط من الفلّاحين والفلاحات والأطفال مكدّسون، بعضهم فوق بعض، بمدخل باب القاعة، وهم يزحفون شيئًا فشيئًا إلى داخلها في لغط، وقد ارتفع صوت صياح طفل في حجر أُمّه، حتى كاد يُغطّى على غطيط التمرجي.)

سالم (يرفع رأسه): اكتمى نفس الواد يا حُرمة، ألا أقوم أقطم لك رقبتُه!

الحرمة: الغيار إمتى يا حضرة الصحة؟

(سالم يغط.)

الحرمة (بعد لحظة): الغيار!

سالم (وهو مُغمض): هس!

الحرمة (تصيح): الغيار!

سالم (يفتح عينيه): يا ولية طيرت النوم الحلو من عيني!

الحرمة (في توسل): الغيار!

سالم: إنت عليك عفريت اسمه الغيار؟

الحرمة: أحب على إيدك تغير للولد.

سالم: لمّا يجيني مزاجي!

فلاح: باجور الضّحى فات من بدري يافندي!

سالم: عجايب! وحياة النبي أقوم أكب عليكم حمض فنيك!

(صمت.)

الحرمة (في همس): بقي لنا هنا ياخواتي من طلعة الشمس.

فلاح ثان: وأنا هنا من الفجر!

الفلاح الأول: الميت زمانه عضّن!

حرمة ثانية: ميت مين؟

الفلاح الأول: البركة فيكي. خالي إبراهيم الجرف. عايزين له شهادة دفن من الصحة.

(صمت.)

الحرمة الأولى (في همس تُشير إلى سائم): هو ده مش الحكيم الكبير؟

الفلاح الثاني (في همس): دا سي سالم التمرجي. ماحضرتهش في ليالي؟ عقبال ما يجى لك في الأفراح!

الحرمة (في استنكار): أفراح؟! إن شا الله انت اللي يجي لك في الأفراح. أنا كنت سارقة فراخك، والله حارقة دارك لما تدعي علي ؟!

سائم (يصيح بهم): بس يا عيّان انتُ وهوّه.

الحرمة: يافندي اعمل معروف ... الولد ...

(سالم يغط.)

الحرمة: رجع شخر تاني، يا غلبي!

فلاح ثالث: فو قيه بحق الدخان!

الحرمة: معايه حق المدعوق الدخان بس يصحى لنا ... الولد ما نامش الليل!

الفلاح الأول: روحي صحيه ... إنّا سوق الاتنين فات.

الحرمة: ما تروح انتً!

الفلاح الثاني: روحي قولي له ندرًا عليّ اطاهر الولد؛ وأسهّر ك في اسبوعه!

الحرمة: بعد الشر على وعلى او لادي!

صوت في الطريق (في ترنيم عربي): وين ... وين ... وين يا عرب! ... وين ... وين ... وين يا عرب! ... (ثم صوت زغاريد.)

الفلاح الأول: الناس راجعة من السوق!

الصوت في الطريق: وين ... وين يا عرب!

سالم (يصحو وينهض وقد أرهف السمع): ده فرح واللّ متهيأ لي؟ ... (يدنو من النافذة وينظر إلى الطريق.)

الفلاح الثاني: فرح عربان يا فندي!

سائم (ناظراً من النافذة): آي والله، الصندوق الأحمر جديد مزوق، فوق الجمل، وحتّتين النحاس في إيديهم، وراس السّكر القُمع طالّة من جوّه الخُرج! (يصيح في النافذة مُترنماً مثل العرب: وين ... وين ... وين يا عرب!) ... (ثم يُهرَع إلى دولاب الأدوية والإسعاف الصغير المُعلّق بالجدار، ويتناول من فوقه مزماراً من البوص، يعودُ به إلى النافذة مُسرعاً وهو يزمّر به موّالًا ريفيًا ثم يصيح:) هاي يا شيخ العرب! ... جاي لك يا شيخ العرب! ... حضر الفتّ والدّبيح يا شيخ العرب! (ثم يعود إلى الزمر:) لو ... لُو ... لُو ... لُو ... لُو ...

الحرمة: الولد يافندي ... الولد عياه شديد ...

الفلاح الأول (في رجاء): ادفن لنا الراجل يا سيدنا الافندي!

سالم: هس! ... سمع ... سمع ... (ينفخ في الأرغول.)

الفلاح الأول (يتمتم): لسه ما طلعوش بالميت هناك، وأنا قاعد أسمع أرغول هنا!

سالم (يلتفت إلى الفلاح الثاني بقربه): اطلع يا واد اجري ورا الجماعة العرب دول، شوفهم مسهرين الليلة مين.

(الفلاح الثاني يخرج مُسرعًا، سالم التمرجي يضع المزمار تحت إبطه، ويُطلٌ من

النافذة قائلًا للفلاح الذي خرج خلف الأعراب:)

اسمع يا واد! ... قول لهم عندنا اللي ينشد قصايد على الأرغول ويزف بلدي، ويغني مواويل حُمر!

الحرمة: الولد سخسخ في إيدي يا جناب الافندي ... الحقنى!

سالم: اسكتى يا حرمة مش وقته! (يعود إلى النظر من النافذة.)

الفلاح الأول: يا سي الافندي ... اعمل معروف، ادفن لنا الراجل!

سالم (يلتفت، وينظر إليه شزراً): حاضر. طوّل بال حضرتك على !

(صمت.)

الفلاح الأول (مستعطفًا): أنا وقعت في مداسك يافندي ... الميت بايت من ليلة امبارح، وقعد للشمس العالية من غير دفن، مستنظرين شهادة الصحة، زمانه عفن دلوقت!

سالم (ينظر إليه شزراً): إيه هو اللي عضن؟

الفلاح الأول: وعزيز راسك بايت وزمانه عفن!

سالم: وحُمُض والّا لسه؟

الفلاح الأول (في توسل): يا سيدنا الافندي!

سالم (ضائق الصدر): بس بقى اتلم، وجَعْ في شقتك! طول عمرنا ندفن أموات، بعد يوم واتنين، واربعة وعشرة، ماسمعناش حد قال عفِّن ولا سوِّس! الميت بتاعك انت يعني اللى حلاوة حُمصية؟

الفلاح الثاني (يعود من الخارج): جاهم خابط!

سالم: عملت إيه؟

الفلاح الثاني: دول ناس ما تآخذنيش عرب جرابيع، لا يعرفوا مواويل حُمر، ولا مواويل خُصر!

سالم: يعني الغرض ... مسهرين والّا مش مسهرين؟

الفلاح الثاني: ما يفهموش الكلام ده. دول من غير مؤاخذة رايحين يطلقوا لهم في الهوا كم عيار بندق، وينزلوا صَقُف بإيديهم لمّا يبطلوا ... ويلهفوا العصيدة ملهلبة نار،

وينفخوا بطونهم ويناموا.

سالم: وده اسمه فرح؟

الفلاح: فرح العربان كده يافندي!

سالم: جات دول الغم في فُرُحهم!

الفلاح الثاني: معلهش! عاود بكرة موسم الفول يطلع، وافراح الفلاحين تكتر!

سالم: مش باین.

الفلاح الثاني: ربك كريم!

سالم: موسم الغلة يطلع نقول موسم القطن، وموسم القطن نقول موسم الفول. لا حد بيفرح ولا يحزنون!

الفلاح الثالث: في موسم الفول الأشيا بإذن الله تبقى معدن!

سالم: شي لله يا موسم الفول!

الفلاح الثالث: اللي عنده ولد يطاهره ... واللي حداه بنية يكتب كتابها ... واللي مراته عويلة يتجوز غيرها.

سالم: ما هو بس انتُم يا فلاحين مالكوش مزاج في الطرب!

الفلاح الأول: الوقت راح يا جناب الأفندي، إدفن لنا الراجل.

سالم: اتفرّج! شوف احنا بنقول في إيه، وابن الكلب ده بيقول في إيه ... ما عندوش مزاج أبدًا بالأصالة كده!

الفلاح الثاني: لو بس الفول جاب السنة عشر برايز!

سالم: لو جاب الفول عشر برايز تعمل إيه؟

الفلاح الثاني: أكتب كتابي!

الحرمة: النبي يافندي تغير للولد وتشوف الرغاوي اللي طالعة من بقه!

سالم: وبعدين بقى في القرف الحراتي ده؟!

الحرمة: والنبي يا حضرة الصحة ... تنهضني.

سالم: اسمعى يا حرمة!

الحرمة: نعم!

سالم: عايزة ابنك يطيب؟ ... اعملى له ليلة!

الحرمة (تُرهف أذنها): لبخة؟

سالم: شوف بنت الكلب بردُه؟! بقول لك ليلة. اعملى له ليلة بالطبل والأرغول!

الحرمة: ليله؟ والنبي أعمل، ندرًا على، بس يطيب!

سالم: إنتم ناس مالكوش مزاج في الدنيا والسلام. طبعكم كده، أعمل لكم إيه؟ ... أشتري لكم مزاج من السوق؟ الموال ده بطال ... (يرفع أرغوله ويزمر) لُو ... (يسكت بين صمت بارد و لا يُجيبه أحد) أيوه بس وحدُوه! أنتم فين؟!

الجميع (في خوف): الله!

الفلاح الثاني (في تحمّس مُتزلفًا): أحسنت يا سي سالم!

سالم: أيوه كده يا عيان ... خليك صهبجي!

الجميع: الله! ... كمان يا سي سالم!

سالم: بس! ... سمع ... سمع! ... أنتم لسه شفتم حاجة؟ أمال بس لو كنت أغني لكم دور من أدوار «الماكنة» اللي عند سي عبد المنطلب كنتم تقولوا إيه؟ آخر اسطوانات جات له من مصر شيء من ورا العقل! لكن يا خسارة ما تفهموش انتم الكلام ده ... خلينا على قدنا ... اسمعوا الوصلة دي. (يزمر.)

(يدخل عبد المطلب أفندي، وهو يشقٌ بقدمه طريقًا بين جموع الفلاحين.)

عبد المطلب: الله! الله! ما شاء الله على دى صحة!

(سالم يُنزل المزمار ويلتفت إليه في صمت.)

عبد المطلب: بقى بذمتك دي صحة؟

سالم: معلوم! أحسن صحة في المديرية!

عبد المطلب: حضرتك ناصب لى هنا سامر؟

سالم (ببرود): مش شغلك!

عبد المطلب (ناظرًا إلى الفلاحين): وأصناف اللبد دي إيه؟ ... والحريم والعيال بدبًانهم ووسخهم وقرفهم، ملمومين في أودة الكشف حواليك زي اللي في المولد ...

سالم: مالكش شأن!

عبد المطلب: الأمور دي ما تعجبش الدكتور يا سي سالم أديني بقولك. يعني لو كان دخل عليك دلوقت، وشاف دي الحالة، مش كان يخصم منك يومين؟

سائم: الزُم مركزك يا عبد المنطلب افندي!

عبد المطلب: عجايب!

سالم: مالك ومال أودة الكشف؟ إنت لك أودة اسمها أودة كاتب الصحة، لما أروح عندك، وانصب سامر ابقى اتكلم، لكن هنا مالكش دخول إلّا لما يكون الدكتور موجود، تخش تورد البوستة وتخرج!

عبد المطلب (في حدة): أنا أخش أتخن أودة تعجبني. أنا بصفتي أكبر موظف هنا بعد الدكتور أخش مطرح ما أخش ... وأخش في عينيك دول كمان!

سالم: مفيش حاجة اسمها أكبر متوظف وأصغر متوظف!

عبد المطلب: بقى اسمع يا واد يا سالم، وشرفي إن ما كنت تلايمها وتبطل العنطزة وقلّة الحيا ما اسكت عن رُنّك عريضة في حقك!

سالم: عريظة؟ اكتب ياخويا ستين عريظة في بعض! ... حاتقول إيه؟ حرامي؟ مُرتشي؟ قُمرتي؟ ذمتي مفهومة عند الناس كلها! (يلتفت إلى الفلاحين) يا عيّان انت وهوّه أخدتش منكم قرش؟

الجميع: لأ (ينطقونها: لُع)!

سالم (يستأنف): غاية ما هناك انى أحب الحظ شوية!

عبد المطلب: شوية؟!

سالم: زي بعضه ... وماله؟ لكن أنا اعرف أقول لشنودة الصراف يهفّ عريظة تطيرك من «تلا» لد «إدفو»!

عبد المطلب (في قلق): تقول إيه؟!

سالم: أقول حاجات مفهومة. أنا واخد بالي، طيب مش حمار! أقول إن حضرتك فشر

دلال المساحة وصراف المديرية، ضارب مهيات شهرية على العطارين، وأصحاب البوظ، والخُضرية؛ بصفة إن منك كاتب صحة، ومعاون محلات، ومفتش مأكولات.

عبد المطلب (وهو يُلقي نظرة سريعة على الحاضرين): وبعدين يا سالم؟

سالم: وأقول إنك كل ليلة تتجمع انت على كاتب ظبط المركز، على معاون راحات المحطة، على مخزنجي السباخ الكيماوي، وتقعدوا طول الليل في المخزن تلعبوا القمار على نور اللمبة نمرة خمسة، ومن قيمة ليلتين مسكتم في خناق بعض؛ علشان ورقة، وانكسرت بلا قافية اللمبة، وكانت حاتشيل حريقة في المخزن!

عبد المطلب: اختشي يا سالم يا «تلاوي» ... الأهالي واقفة!

سالم: ما يهمنيش؟

عبد المطلب (في رجاء وعتب): يخلصك تقول الكلام ده قُدّام الأهالي؟!

سالم: أيوه كده أمّال صلح «نهاوند» بالعجل! حاكم انت من غير مؤاخذة لسانك زفر!

عبد المطلب: أنا اللي لساني زفر؟

سالم: ما اعرفش بقى زِفِر، نضيف! ... أنا مش حكيم!

عبد المطلب: يخونك يا سالم العيش والطرشي اللي تقعد تقزقز فيه عندي، وانت بتسمع اسطوانات منيرة وسومة وعبد الوهاب ... وتقول آه، وبقك مليان وتحدف طاقيتك في الأرض!

سالم: ما حدش له فضل علي ! ... إنت راخر تخونك القراقيش!

عبد المطلب: مش ناكر. (يغير لهجته فجأة) على فكرة يا سالم ... عندي خبر رايح يطير عقلك تمام!

سالم (في لهفة): الاسطوانات الجديدة جات لك من مصر؟

عبد المطلب: أسطوانات إيه؟ ... أكتر من كده ... قوي ... قوي ... وأعجب من كده كتير! ... خبر ما سمعتوش! (الحرمة تعود إلى التوسل.)

الحرمة: إمتى بس الغيار يا حضرة الصحة؟

سالم: اسكتى يا حرمة، لمّا نشوف الخبر العجيب!

عبد المطلب (لسالم): إنت كنت فين ليلة امبارح؟

سالم (ناظرًا إليه): كنت سهران عند الخواجة جبور الأجزجي!

عبد المطلب: نص عمرك راح!

سالم: ليه؟

عبد المطلب: عارف سومة، اللي بنسمعها في الفونوغراف؟

سالم: مالها؟

عبد المطلب: كانت هنا ليلة امبارح!

سالم: بلاش كدب!

عبد المطلب: وشرفك!

سالم: احلف كده بشرف أُمك!

عبد المطلب: وشرف أمى، غنت للصبح في سراية عيسوي بك!

سالم (في دهشة): سومة اللي في الماكنة؟

عبد المطلب: آي سومة اللي اسطواناتها في الماكنة!

سالم: اللي مرسومة على علبة الإبر؟

عبد المطلب: وهو فيه ألف سومة في مصر؟

سالم: كانت هنا في تلا؟

عبد المطلب: إنت مش فاهم عربى؟ بقول لك كانت في سراية عيسوي بك!

سائم (بعد لحظة تأمّل): والناس شافوها؟

عبد المطلب: ناس مخصوصين!

سالم: وجنسها إيه؟

عبد المطلب: جنسها إيه إزاي؟

سائم (حائمًا): هلبت دي حاجة مخلوقة من النور!

عبد المطلب: شوف بقى سومة كلها اللي ما فيش مثلها في الدنيا! سالم (بعد لحظة): وغنت؟

عبد المطلب: للصبح! والدكتور بتاعنا كان هناك، أمال هو تأخر عن المكتب النهارده ليه؟! وناس كبار كانوا في السراية معزومين. البك المأمور، وكبار الموظفين والأعيان ذوى الحيثية في البلد.

سالم: وانت كنت معزوم؟

عبد المطلب: طبعًا!

سالم: كويس خالص! ما فضلش هلفوت غيري أنا بقى؟ أنا يعني اللي مش من ذواً الحيثية في البلد!

عبد المطلب: آه يا سالم لو كنت شفتها ساعة ما قالت: «اللي حبك يا هناه.» أحسن طربوش بقى ينحدف تحت رجليها!

سالم (ينظر إلى طربوش عبد المطلب): يعنى طربوشك مش مطبق!

عبد المطلب (يخلع طربوشه وينظر إليه): لازم وقع فوق المخده الحرير، اللي كانت دايسة عليها!

سالم: وكانت دايسة على حرير؟

عبد المطلب: أمال يا بارد عايزها تدوس على قزاز!

سالم (لنفسه): يادي الخسارة!

عبد المطلب: معلوم! دي كانت ليلة من الجنة! ليلة لا تحسب من العمر. من فينا كان يتصور انه يعيش، ويشوف سومة عن قرب، في ليلة زي دي! بس لُجُل احنا موعودين!

سالم (في ثورة): نص عمري راح في شربة ميه يا مسلمين، ولا فيش بني آدم يعشق النبى ويدينى خبر؟

عبد المطلب: هدّى خلقك! حد عارف انت كنت فين؟!

سالم: يخرب بيتك يا جبور! كان مالي أنا ومال الخواجات، وسهر الأجزاجات؟! عبد المطلب: علشان آخر الليل يشوفك بكاسين عُرَقى عند طناشى البقال!

سالم: يا خلق هوه! هم اللي اختشوا ماتوا؟! هي مفيش إنسانية، و لا مروّة في البلد؟! تبقى يا سى عبد المطلب عارف ليلة زي دي و لا تقولليش؟

عبد المطلب: أصل المسألة جت فجأة ... الست كانت مسافرة على البر من اسكندرية لمصر، وعطل منها الأوتومبيل، عند بركة السبع، وحيث ان عيسوي بك من معارفها اتكلموا في التليفون، قام عيسوي بك ورجالته على بركة السبع، واستقبلوها!

سالم: وموجودة لسه في البلد؟

عبد المطلب: مسافرة دلوقت!

سالم (يتحرُّك بسرعة): الحمد لله!

عبد المطلب (يمسك به): جرى إيه يا سالم، على فين؟

سالم (يتملّص): سبني!

عبد المطلب: رايح فين؟

سالم: أشوفها بس من بعيد ... جنسها إيه!

عبد المطلب: طوّل بالك!

سالم: ما تعطلنيش اعمل معروف. انت مفيش منك غير الخساير.

عبد المطلب: مش مسافرة دلوقت!

سالم (يقف): إيش عرَّفك؟

عبد المطلب: أوتومبيلها لسه مكسور على السكة الزراعية، وقام له الصبح سواق عيسوى بك.

سالم: يعني ما اروحش دلوقت!

عبد المطلب: مفيش فايدة!

سالم: واشوفها إمتى؟

عبد المطلب: ساعة ما تيجي مسافرة بأوتومبيلها، حاتلاقي البلد كلها هاصت وطلعت تتفرج.

(لحظة صمت.)

سالم: إنت بقى يعنى شفتها من قريب؟

عبد المطلب: يا سلام! جمال إيه ده؟!

سالم: وسمعت صوتها من قريب؟

عبد المطلب: يا سلام! ما تفكرنيش!

سالم: كويس خالص! والدكتور راخر سمع وشاف؟

عبد المطلب: طبعًا. ودي عايزة كلام؟! سمعها وشافها وكلمها!

سالم: وكان معاها تخت؟

عبد المطلب: لأ. التخت بتاعها في مصر. ما كانش معاها غير الملحن بتاعها وزكريا، وسامي الشاعر اللي بيكتب لها الطقاطيق والأدوار. والمعلم طوبة متعهد الحفلات.

سالم: بس؟!

عبد المطلب: إنما سمع صحيح! تخت إيه؟ هي محتاجة لتخت؟

سالم: وسهرتم كتير؟

عبد المطلب: للفجر!

(سالم يتنهد.)

عبد المطلب: وتصور بعد سهرة زي دي، قال أروح بيتنا ألاقي مراتي فاتحة حلقها، وعايزة تنصب لي مولد! ... أقول لك الحق دمِّي فار، رحت شاكمها طيرت لها سنِّتين!

سالم: من طقم اسنانها؟

عبد المطلب: يا ترى، كلام في سرك، مراة الدكتور حاتعمل له إيه، وأنا قمت وسبتُه لسه قاعد هناك؟!

سالم (يتنهّد في ألم): أنا اللي ضعت وصعت والسلام من دون الخلق!

عبد المطلب (باسمًا): صحتك!

سالم: قال في ليلة زي دي أسهر عند الخواجة جبور، يقول لي «شو بتحكي منديل الحلو عم بيطرف نن عينى» ... واقعد أخش له من مذهب، واطلع على دور، لمّا طلّع

```
مذاهبي!
```

(عبد المطلب يضحك.)

سالم (ينظر إليه شزرًا): بتضحك!

عبد المطلب: الغرض. يمكن يكون لك قسمة يوم وتسمعها! (ثم يتحرك للخروج.) سائم (بلهضة): فين؟

عبد المطلب (خارجًا): في الأسطوانات الجديدة! (يخرج.)

(لحظة صمت. سالم يُطرق في حزن وألم.)

الفلاح الأول: صرح لنا بقى بالدفن يا سيدنا الافندي. خلّينا نطلع بالراجل!

سالم (يصيح في ضيق غير مُتمالك أعصابه): أنا اللي مُتِّ واندفنت!

الفلاح الأول: طب ادفن لنا الراجل ده راخر، اعمل معروف ينوبك ثواب!

(سالم ساهمًا لا يُجيب.)

الفلاح (في إلحاح): يا حضرة ما يصحش!

سالم (لنفسه صائحًا): آه ... أنا اللي اندفنت!

الفلاح: واشمعنا بس احنا اللي قاعدين من غير دفن؟!

سائم: أف!

الفلاح: يا حضرة الصحة ادفنًا!

سالم (ثائراً): يعني شايف مزاجي رايق دلوقت علشان دفنك؟!

(لحظة صمت، ويذهب سالم إلى المكتب وهو مُطرق.)

(وتدخل بعد لحظة خادمة حبشية سن ١٥.)

الخادمة الحبشية: عم سالم!

سالم (يرفع رأسه إليها): عايزة إيه انت رخره؟

الخادمة: تعالى كلم ستّي!

سالم (يدير وجهه عنها): مش فاضى!

الخادمة: ستى بتقول لك هات الزمارة بتاعتك، وتعالى علشان عندنا ضيوف!

سالم (ناظرًا إلى الخادمة شزرًا): ما شاء الله!

الخادمة: يعني جاي واللَّا مش جاي؟

سالم: غرض حضرتكم أسيب الصحة، والتليفون، وأنفار الكشف، والغيار، وأروح أسلي الضيوف؟!

الخادمة: وماله؟ ما انت كل يوم بتسيب الأنفار والغيار وتقوم تجري ما تصدق حد يقول لك زمر، إيش عجب النهارده؟!

سالم: كيفي كده النهارده!

الخادمة: بعدين ستي تزعل. عندها مراة المأمور، وعايزين يسمعوا «سبع سواقي»! سالم: مفيش النهارده لا سبع سواقي ولا سبع جرادل!

الخادمة: والنبي بعدين ستى تقول لسيدي الدكتور لما يرجع!

سالم: يرجع منين؟

الخادمة: مش قام ليلة امبارح في حادثة ضرب نار؟

سالم: حادثة ضرب نار؟!

الخادمة: البك المأمور خبط علينا نص الليل، وقال ناحية كفر الشيخ سليم فيه واقعة ضرب نار، وأخد سيدي الدكتور وراح!

سالم: ضرب نار والًا ضرب عود، ما يهمنيش!

الخادمة: يعني مش ناوي تسمع الكلام يا عم سالم؟

سالم: إمشي يا بت من هنا، ما تفوريش دمي أكتر ماهو فاير، ألّا أقوم أقايس واكسر لك مفاتيح ضبّك الوحش!

الخادمة: يا باي! ... طب والنبي إن ما جيت وسمعت كلام ستي ما اللّا يكون يومك النهارده يوم مقندل!

سالم: آه يا وش القرد ... يا صبغة اليود!

الخادمة: آه يا زمار!

سالم (ينتفض): بتقولي إيه؟

الخادمة (تشير بأصابعها على فمها مقلدة المزمار): لُو ... لُو ... لُو ... لُو ...

سالم (كاظمًا): إختشى با بت!

الخادمة: ياللي بتزمر بشوية قراقيش!

سالم (يلتفت إلى الفلاحين والفلاحات أمامه): شاهدين؟ وشرف أُمك ما أنا فايتك! امسكوها يا أو لاد.

الخادمة (تجري): آي ... يا دهوتي!

سائم (صائحًا): حلقوا عليها ... امسكها يا عيان!

الخادمة (تصرخ وتهرب ممن يُريد مسكها): يا خرابي! ... يا دهوتي!

(الدكتور يدخل مُقابِلًا الخادمة المُستغيثة، والمرضى يُحاولون القبض عليها.)

الدكتور: إيه ده؟ جرى إيه الهيجان ده؟

الخادمة: الحقني يا سيدي! ... مُت! ... عم سالم عاوز يموتني!

الدكتور (لسالم): دي مش صحة أبدًا ... واللي يقول كده كدّاب ... دا مُستشفى مهابيل! ... إنت يا سى سالم عامل لى هنا مرستان؟

سالم: بتقول لي يا زمّار!

الدكتور: وإيه يعني؟

الخادمة: كداب في أصل وشه!

الدكتور (للخادمة): امشي يا بنت روّحي!

(الخادمة تخرج.)

سالم: زمار؟ وهو ابوها اللي كان كاتب في بوظة؟

الدكتور: بس. اقصر بقى الكلام الفاضي اللي انت فالح فيه. اسمع أما أقول لك. أولًا اكنس لي المواشي دي من هنا بسرعة! ألف مرة أقول لك الأودة بتاعتي مش زريبة تدخل فيها الأهالى بوسخهم وقملهم وقرفهم! ... يالله بسرعة فيه ناس جاية

دلوقت هنا تتضرج!

سالم (باهتمام): ناس مین؟

الدكتور: مش شأنك. نضف الصحة بسرعة!

الحرمة: يا حضرة الدكتور الكبير!

سالم (يدفعها إلى الخارج مع بقية الفلاحين): هس على بره ... على بره بره ... على بره ... على بره!

الدكتور (يشمر أكمامه ويتجه إلى الطشت المُعلق والحنفية بالجدار): الله! ... فين الميه؟ الحنفية فارغة! أنا مش قايل لك يا سي سالم، أول ما تصطبح تملا الفنطاس؟ الزير فيه ميه، والسقاً بييجي في ميعاده؟

سالم: وأنا كنت فاضي؟ ... مش قاعد من الصبح أغير لأنفار الغيار؟

الدكتور: قبل الغيار، ليه ما شفتش الحنفية بمجرد ما جيت؟

سالم: ؟

الدكتور: انكتمت ليه؟ ... ما ترد!

سالم (في صوت خافت): نسيت!

الدكتور: نسيت؟ دايمًا تنسى، أنا والله مش فاهم اللي دايمًا ينسى ده يقعد يعمل ايه في الدنيا؟

سالم (في صوت خافت): صدقت!

الدكتور: ناولني بقى القلّة والسلام، أغسل وشي!

سالم (في دهشة): تغسل ... وش مين؟

الدكتور: وش مين ازاي؟ ... وشي أنا، فيه وش تاني هنا؟

سالم (في تردد): حضرتك ... مش غسلت وشك الصبح في البيت؟

الدكتور (في حيرة): في البيت ... آه ... أصل أنا بقي ... أقول لك الحق نسيت.

سالم (في ابتسامة خفيفة خبيثة): نسيت حضرتك تغسل وشك؟

الدكتور (مُنتهرًا): أيوه نسيت ... جرى إيه بقى يعنى في الدنيا؟

سالم (في أدب): لا ولا حاجة. أنا قلت جرى حاجة!

(يذهب ويحضر القلّة من الشباك.)

الدكتور (الصابون في وجهه وعيناه مُغمضتان يمدُّ يده): صُب بلاش قلة أدب!

سالم (يحتج): أنا مش قليل الأدب، أنا حاكم أفهمها وهي طايرة. حضرتك ماغسلتش وشك في البيت علشان كنت سهران!

الدكتور (يرفع رأسه فجأة ويفتح عينيه في الصابون): أنا؟ سهران فين؟

سالم (مُستدركًا في خبث): غرضي يعني في واقعة ... واقعة ضرب نار ناحية كفر الشيخ سليم!

الدكتور: آه ... أيوه تمام ... تمام!

سالم (في خبث): مش كده؟ حضرتك بس نسيت!

الدكتور: أيوه صحيح نسيت ...

سالم: آه ... حاكم بقى اللي دايمًا ينسى.

الدكتور: وانت إيش عرفك إني كنت في واقعة ناحية كفر الشيخ سليم؟

سالم: أمَّال إحنا قاعدين هنا نلعب؟ مش الصبح جات إشارة تليفونية من كفر الشيخ سليم، بأن الدكتور لسه ما وصلش لتشريح جثة قتيل؟!

الدكتور (كالمخاطب لنفسه): بتقول إيه يا سالم؟ إشارة تليفونية؟

سالم: أمال إيه؟ ورديت وقلت لهم الدكتور قام هو وحضرة المأمور من قيمة ساعة ... مش حضرتك قمت مع حضرة المأمور؟

الدكتور: قمت فين؟ خبرك اسود! (يستدرك) أيوه طبعًا قمت!

سالم: أنا يردُه قلت لهم كده!

الدكتور: والقتيل ده كان ... الليلة؟

سالم: مش حضرتك شرحت جتته؟

الدكتور: آه ... طبعًا!

سالم (في خبث): طبعًا!

الدكتور: والإشارة جت إمتى؟

سالم: بقول لحضرتك الصبح!

الدكتور (مفكرًا): قتيل ... من عيار ناري؟

سالم (في خبث): حضرتك أدرى!

الدكتور: أيوه ... طبعًا ... طبعًا ... روح انت بقى تمّم برّه على أنفار الكشف.

سالم: نسيت أقول للدكتور خبر مُهم!

الدكتور: إيه كمان؟

سالم: عيسوي بك، بعت يعزم حضرتك في السراية، علشان تسمع الست سومة بتاعة مصر!

الدكتور (في اندفاع): عارف ... حصل ما أنا ... الغرض يعنى إمتى الكلام ده؟

سالم: إمبارح! وعزموا كمان عبد المنطلب أفندي.

الدكتور: مين اللي قال لك عزموا عبد المطلب؟

سالم: هو بيقول إنه كان معزوم!

الدكتور: كداب. دا كان واقف على الباب الكبير مع الأغوات والسواقين.

سالم: حضرتك شُفته؟

الدكتور: قصدي يعنى لمحته، وانا مارر بالصدفة قدام السراية!

سالم: بقى ماكانش معزوم جوّه مع ذواً الحيثية في البلد، وبقى يرمي طربوشه ...

الدكتور: يرمى طربوشه بره في الجرن ... معلهش!

سالم: على المخده الحرير.

الدكتور: دي كانت ليلة خصوصية، ما فيش معازيم و لا شيء أبدًا! كل الموجودين عبارة عن سبع أشخاص!

سالم (في خبث): وحضرتك شفتهم سبعة وانت مارر بالصدفة من قدام السراية؟ الدكتور: طبعاً! ... يعني قصدي ... الغرض امشي انجر من هنا قليل الحيا!

سالم (يتحرك للخروج): الحق عليّ. غلطت!

الدكتور: إيش دخلك انت في مسائل زي دي؟ أنا مش ملزوم أقول لك على أسراري الخصوصية ... مابقاش الله كده!

(يسمع صوت بوق أوتومبيل، في الخارج.)

سالم (صائحًا): «الكومبيل»!

الدكتور (في لهفة): أيوه أهم جم. اسمع يا سالم ... بسرعة دخّل الأهالي أودة المخزن واقفل عليهم ... مش عايزين جنس نفر وسخ في الصالة، اعمل معروف يا سالم ... اسعفنى بحُسن تصرفاتك!

(سائم يخرج مُسرعًا وهو ينتفض فرحًا وانفعالًا.)

(الدكتور يُرتب هندامه بسرعة ويقف مُستعدًا في موقفِ مصطنع.)

(تدخل سومة، وحولها عيسوي بك وسامي وزكريا والمعلم طوبة، والمأمور وسالم خلفهم.)

الدكتور (يُهرَع إليهم): أهلًا ... وسهلًا ... أهلًا ... أهلًا

سومة: أنا قلت الأزم أودعك قبل ما أروح مصر ... وادِيني جيت يا دكتور حسب الوعد!

الدكتور: مُتشكِّر خالص وممنون اللي تنازلت، الصحة نورت وتشرفت بالزيارة ... قهوة يا سالم!

سامي (يلتفت إلى أنحاء المكان): دي الصحة؟

الدكتور: شيء على قد الحال. صحة أرياف طبعًا، مفيش استعداد و لا نضافة!

عيسوي بك: أنا قلت لك يا دكتور خابر المصلحة وأنا أبيض لك الحيطان بالمصيص، وأدهنها لك بوية بالزيت!

سومة: البيت ده ملكك يا عيسوي؟

المأمور: البلد كلها تقريبًا ملك عيسوى بك!

عيسوي (للمعلم طوبة وزكريا، اللذين ينظران إلى مقياس النظر في ركن الحجرة): ما تقرب هنا يا أستاذ زكريا ... وانت يا معلم طوبة، بتعمل إيه عندك؟ تعال

آهو الدكتور موجود يكشف عليك (للدكتور) بعد انت ما سبتنا يا دكتور في الغيط، المعلم طوبة خاف يركب الحصان، قُمنا جبنا له جحشة، وطلعت في دماغه قال يسابق الأستاذ زكريا، راح متشقلب من فوق الجحشة وقع في المصرف! (الجميع يضحكون.)

زكريا: قول الحمد لله المصرف كان ناشف، ولو كان فيه شبر ميه، كان طوبة غرق! ... حاكم ده ما يعومش، وخيبته تقيلة!

سومة (ضاحكة): أما يا دكتور ضحكنا ضحك!

طوبة: ومائه؟ حاكم ما يقعش إلَّا الشاطر.

الدكتور (ضاحكًا): والأستاذ زكريا؟

زكريا: زكريا، دا خيبان ماوقعش!

المأمور: إنتم بتعملوا إيه عندكم؟

زكريا: بامتحن نظره.

الدكتور وسومة: وطلع إيه؟

زكريا: طلع شُرُك بالجوز! وانا اللي مش عاجبه طلعت صاغ سليم!

طوبة (یشیر إلی المقیاس): المیزان ده مغشوش!

زكريا والجميع (ضاحكين): دا مقياس الصحة!

سومة (ضاحكة): الحقيقة ان طوبة أمره معروف. هو مسكين بيقدر يقرا الإعلانات الكبيرة على الحيطان أيام الحفلات؟ (تلتفت إلى سامى بقربها) مش كده يا سامى؟

سامي (في فتور): ما اعرفش!

(سومة تطرق في امتعاض.)

طوبة: كلام إيه ده يا ست؟ بقى زكريا ده يطلع عنده نظر؟ بقى أنا أكرِّب عيني ولي اللي وسع الفناجين، وأصدق الميزان الخرفان ده؟

سائم (بانباب): سى الدكتور! ... سى الدكتور!

الدكتور (في قلق): إيه؟ خبر إيه؟

سالم (يهمس): خبر مهم!

الدكتور (يتّجه إلى الباب قلقًا): قول بسرعة!

سالم (في شبه همس): خلّي الست تغنّي موّال!

الدكتور: دا الخبر المهم؟

سالم: واللّ تقول «اللي حبك يا هناه»!

الدكتور: ما شاء الله! ... دي القهوة اللي قلت لك هاتها بالعجل؟!

سالم (هامسًا): ماعندناش فناجين تقضِّي، بيت البك المأمور قريب بعتنا نشحت فنجانين!

الدكتور: هس، وطِّي صوتك. (يلمح عبد المطلب، خلف الباب بدون طربوش وجاكتة) وانت بتعمل إيه عندك يا عبد المطلب أفندي؟

عبد المطلب: بس ... عايز آجي أورد البوستة.

الدكتور: استذوق شوية! ... مش وقته (يعود الدكتور إلى ضيوفه الذين يتكلمون، ويضحكون فيما بينهم)، شرفتينا وشرفت تلا يا ست سومة!

سامي: يلله بينا بقي!

سومة: زهقت قوام يا سامى؟ طيب يلله بينا!

الدكتور: قبل ما تشربوا القهوة؟ ما يصحش.

زكريا: وحانروح ازاي؟ أوتوموبيل الست لسه عطلان على السكة الزراعية!

طوبة: يعني عجبتك الأرياف قوي يا سي زكريا، علشان ما عرفت تركب لك حصان!

عيسوي: إن كنت شاطر يا أستاذ زكريا تقنع الست تشرفنا كمان ليلة ... يجرى إيه؟

طوبة: لأ اعمل معروف يا بك! ... يستحيل الكلام ده! ... الست مطلوبة في مصر الليلة!

سومة: صحيح ضروري أروح مصر دلوقت!

عيسوي: حيث كده بقى «الباكار» بتاعتي توصلك. من حسن حظي إنها لسة

جديدة، مستلمها من تلات أيام، ولا طلعتش بها لسه. مش عارف بقى إذا كانت تعجبك؟ طوبة: تعجبنا قوى!

سومة (في احتجاج وتعنيف): طوبة؟ لا يا عيسوي بك! مرسي أنا ما أقدرش! سامى: إحنا مسافرين في الوابور!

سومة: أيوه نسافر في الوابور. المحطة قريبة من هنا ... (تلتفت إلى النافذة حيث يظهر سيمافور القطار.)

عيسوي: أنا ما كنتش أعتقد إنك تكسفيني في حاجة زهيدة زي دي!

سومة: مش قصدي!

عيسوى: على كل حال دى معاملة ما كنتش أنتظرها!

سومة: وإيه رأيك إذا كان أتوموبيلي اتصلح؟ مش معقول إنه لسه عطلان لدلوقت، إذا كنا نقدر نبعت خبر للشوفير؟

المأمور: نبعت حالًا صف ضابط يقوم لبركة السبع.

سومة (تشير إلى التليفون): أو بالتليفون!

عيسوى: وزُعلى بقى ما تحسبيلوش حساب؟!

سومة: والله يا عيسوي!

(عندئذ يدخل سالم حاملًا صينية عظيمة عليها فناجين قهوة بعدد الحاضرين، ولكنها بلونين مختلفين من طقمين، ثم صحن قراقيش كبير وأكواب ماء، ويدخل سالم مزهوًا، شامخ الأنف بالصينية الكثيرة الألوان في نظره، ويتقدّم أولًا في خطوات مضطربة.)

الدكتور (لسالم): قرّب ... (ينظر في الصينية ويقول خافتًا) إيه ده؟ قراقيش؟ (خافتًا في إعجاب) عال يا سالم. أهو ده حسن تصرف. إنت بدّعت النهارده!

سالم (يتقدّم نحو سومة بالصينية رافع الرأس): اتفضلي!

سومة: كل ده؟ لا ما أقدرش، متشكرة خالص، إحنا لسه فاطرين عند عيسوي بك! سالم: ده مش أكل يا ست؟ دى قراقيش!

سومة: أشكرك! إديني بس فنجان قهوة!

الدكتور: دي حاجة خفيفة سهلة الهضم، يا ست سومة!

سالم: حاجة مفتخرة، من اللي تبوش في الحنك!

الدكتور (خافتًا مُنتهرًا سالم): اسكت انت، بلاش تقريظ!

سالم (يتناول فنجان قهوة بيد، والصينية باليد الأخرى، ويُقدِّم الفنجان لسومة): دي معجونة بلبن رايب! دا نهارنا يا ست النهارده زي اللبن!

(وعندئذ يسقط الفنجان من يده على سومة، ويتلطّخ معطفها فتنهض في الحال، وينهض الحاضرون في حيرة وارتباك، ويختل النظام ويصفر وجه سالم ويسود.)

الدكتور (حانقًا): نهارك زي القطران! أو دي وشي فين دلوقت؟

سائم (يلطم خدّيه): أودّي وشي أنا فين دلوقت يا خلق هو؟

سومة (باسمة): حصل خير!

المأمور، عيسوي، طوبة، زكريا (لسالم): هات فوطة نضيفة بالعجل!

سالم (يتحرك مُرتبكًا بسرعة): فوطة وش والّا فوطة حمام؟

الدكتور: أنا متأسف يا ست سومة.

المأمور (لسومة): أظن الأحسن تقلعي المانتو، واحنا نشوف له طريقة ... (سومة تقلع المانتو وتُسلّمه لهم.)

عيسوي (لطوبة وزكريا): يلله نطلع ننشره في الشمس!

زكريا (ينظر حوله): دا فيه صابونة وحنفية هنا ... هاته يا طوبة تحت الحنفية. (يذهبان إلى الحنفية في صهريج الحائط.)

طوبة (يفتح الحنفية): الحنفية عندها زنقة ميه!

الدكتور (يتنبه): الله يلعنه الواد سالم، نسي يملا الفنطاس!

زكريا: كمان!

طوبة (في تهكم): يا بختك بسالم ده يا دكتور!

عيسوي: أحسن طريقة نمسح المانتو بشوية بنزين من الأوتومبيل، تعالوا ... هات يا

طوبة المانتو وتعال ورايا انت وهوّه!

(الجميع يخرجون بالمانتو ما عدا سامي الذي لم يتحرك من دون الجميع، لحادث المانتو ولا لغيره.)

سومة (لسامى): مسكين التمرجى اتوهم!

سامی (فی برود): آه!

سومة: مش واخد بالك يا سامى؟

سامي (في فتور): لأ.

سومة: مالك؟ إنت كل ما تشوف واحد يعاملني بلُطف تبوز؟ عيسوي ده أنا أعرفه من زمان، مش بس امبارح، أحوالك دي مش عاجباني، ما كانش يصح أبدًا تسيب المجلس الليلة وتقوم تنام ... بعدين نتحاسب على ده كله، هنا مش وقت كلام!

سامي: مش عايز أسمع من حضرتك كلام!

سومة: أشكرك!

سامى (بعد لحظة): عيسوى بتاعك ده دمّه تقيل!

سومة: على قلبك انت بس!

سامي: أيوه قلبي أنا بس. قلبي اللي خرج منه الشعر والأغاني اللي عملتك ملكة طرب، لك تاج وعرش ورعية. مش قلب عيسوي، ولا قلب عمر، قلبي أنا.

سومة: النبي تسكت بقى، فلقتني بقلبك!

سامي: أشكرك!

سومة (بعد لحظة): يعني بتكافئني يا سامي، على معاملتي لك، وشفقتي عليك المدة دى كلها!

سامي: شفقتك؟ ... كفاية! مش عايز أسمع حاجة بقى. قُلتيها في وشي وبس.

سومة: هي إيه؟

سامى: كل ده كان شفقة؟

سومة: طبعًا.

سامى: آدى اللى كنت خايف منه!

سومة: كنت خايف من إيه؟

سامى: خايف يكون حُبك لى شفقة على.

سومة (تنصت إلى الخارج): هس!

(يسمع في الخارج بالردهة صوت لغط وشجار.)

الدكتور (في الخارج في همس مسموع وفي حدة مكتومة): إنت واحد تسوِّد الوش. إنت ما تنفعش في حاجة. إنت مش بتاع شغل!

سالم (في الخارج): أُصلي كنت خايف على فناجين البك المأمور!

الدكتور: اخرس، وطّي صوتك!

سالم: الحقيقة أني لبخت والسلام، وختمتها ختام زفت. قسمتي كده أعمل إيه؟ إذا كنت زعلان قيراط أنا زعلان أربعة وعشرين، هو كان عشمي يحصل مني كده مع الست سومة كلها؟ فصل يستحق الشنق. أجيب لك حبل من المخزن تشنقني واخلص؟!

(سومة تبتسم. ويستمر اللّغط ثم يدخل عيسوي والمأمور، وجميع من خرجوا، وكذلك الدكتور، وخلفه سالم.)

الدكتور (لسائم بصوت مسموع): طول ما انت عامل زمّار مش نافع!

سالم (في غضب): أول هام ماتقولشي زمار!

الدكتور: أمال أقول إيه؟ مطرب! امشي اطلع برّه! (سالم يخرج.)

المأمور: سالم ده أحسن واحد في البلد، يضرب على الأرغول والناي!

عيسوي: مش سالم ده؟ طبعًا ده مشهور قوي في تلا!

سومة: صحيح يا دكتور؟

الدكتور: آهو بيهجص، ولو كان حكيم صحة غيري هنا، كان تسبب في رفته من زمان. دا عامناول عشق واحدة غزية غجرية، من اللي ترقص على الغاب، وطلعت في دماغه راح سايب الصحة والشغل، وطفش وراها، وفضلنا نبحث عنه أسبوع، وانا مش راضي أبلغ عنه، خوفًا على مستقبله، وأخيرًا ما نشعر إلّا وده راجع لنا داقق اسمها على دراعه!

(سومة تضحك مسرورة.)

الدكتور: والسنة دي، كان رايح يموت لي واحد!

الجميع: إزاي؟

الدكتور: بقى حضرته يسهر طول الليل، وينام طول النهار، وفي يوم كنت أعمل عملية ترنبه لواحد، ووقفت سالم بالبنج، وقلت له: خُد بالك، إوعى يسهى عليك، وتعطي له بنج درجة تالتة، اللي بعده على طول الموت. قال لي ما تخافش. وفعلًا ارتكنت عليه، وانشغلت في العملية، مش واخد بالي، وما أشعر إلا والعيان لونه يزرق شوية بشوية، والتفت لقيت سالم واقف نايم على روحه، يشخر، وإيده كابسة بالبنج آخر درجة على نفس العيان. ساعتها انغظت، قمت ضاربه بالقلم فاق من النوم، وأقسمت بعدها إنه ما يقفش معايه في عملية أبدًا.

المأمور: هو ما له ومال كده. هو يقف معاك في زفّة! (لسومة) الست سومة طبعًا ما سمعتس ضربه على الأرغول! ... والله مش بطّال أبدًا.

سومة: صحيح؟

عيسوي: مفيش فرح في البلد ما يسهرش فيه سالم!

طوبة: عجيبة! الواد التمرجي ده اللي دلق القهوة؟!

زكريا: تمرجي ومُطرب!

طوبة: يعنى زي قولة حانوتي ومطرب!

سومة (تضحك): أنا أحب أسمعه!

الدكتور: تسمعي إيه؟ ... دا أرغول ريفي، على قد عقل الفلاحين.

(في هذه اللحظة، يُسمع من خارج باب القاعة صوت مزمار يعلو بأنغام موال.)

طوبة (صائحًا): الله ... الله! ... الله يشفيك يا سي سالم! (الزمّار يستمر بلا انقطاع.)

زكريا (صائحاً): يا بخت ... يا بخت اللي مش هنا!

(ضحك من الجميع.)

الدكتور (يتجه إلى الباب): اسكت بقى يا واد انت ... اسكت بقى بلاش كسوف!

سائم (يظهر بالباب حاملًا الأرغول): أسمع الست؟ طوبة: الله يحنن عليك! الدكتور: تسمعها إيه؟ ... إنت مجنون؟ امشي رو

الدكتور: تسمّعها إيه؟ ... إنت مجنون؟ امشي روح شوف شغلك، عندك العيانين غيّر لهم!

سالم: الموال اللي فات ده بطال؟ فيه أحسن منه.

زكريا: لأ، روح للعيانين أحسن!

سومة: بزيادة بقى، حرام، مش عايزة حد يكسفه!

الدكتور (لسالم): واقف ليه؟ ... روح لشغلك ... الأنفار قلقت برة!

سالم: علشان خاطر الست!

الدكتور: الست مش عايزة تسمع كلام فارغ!

سالم: بلاش. أنا خدّامها. (يتحرك بالانصراف.)

سومة: يا دكتور، مين قال أنا مش عايزة أسمع؟!

زكريا (في همس): آهو كان رحل ... اعملي فينا معروف!

سومة: اسكت! (للدكتور) خلّي التمرجي بتاعك يدخل هنا يسمّعنا يا دكتور!

طوبة: يا ساتر! عشنا وسمعنا تمارجية!

سومة (في أمر صارم): ما حدش يتكلم أبدًا.

الدكتور (لسالم): ادخل يا سالم!

(سالم يدخل مُضطربًا هذه المرة خجولًا يتعثّر والمزمار بيده.)

سومة (متلاطفة ورقيقة): قُل لنا بقى يا سالم!

(سالم يقف ويرتج عليه.)

الدكتور (نافد الصبر): ما تقول!

سالم (يتنحنح): أقول ... إيه؟

سومة: اللي يعجبك ... كله كويس.

سالم (يفكر): أقول موال؟

سومة: قول موال.

سالم (يفكر): والّا أقول غنوة بلدى؟

سومة: قول غنوة بلدي!

سالم: غنوة إيه؟

سومة: اللي تعجبك!

سالم: والّا أقول موال؟

طوبة (همساً): إنت يا ست مطولة بالك عليه قوى!

(سالم يتنحنح ويقف وينظر إلى الجميع في خجل.)

الدكتور (نافد الصبر للغاية): وبعدين وياك؟!

المأمور: قول «منديل الحلو طرف عيني!»

سالم: عندي مواويل حُمر.

الدكتور (حانقًا صائحًا): حُمر والله صُفر ... قول بقى ما تبقاش ابن كلب رزل!

سالم: ما تشتمنيش. ما لكش على شتيمة أبداً. إلزم مركزك!

الدكتور: بتقول إيه؟

سالم: أنا متوظف زيى زيك!

الدكتور (ينهض): إيه؟! إنت موظف زيي؟!

طوبة (لزكريا): آهي رايحة تقلب بغم!

سالم: معلوم! متوظف زيك تمام! اسمي واسمك بيطلعوا آخر الشهر سوا في كشف الماهيات ... ماهيتي وماهيتك ٤٢ جنيه في الشهر!

المأمور (ضاحكًا يهدئ الدكتور): معلهش روّق دمك يا سالم، (للدكتور) ما تزعلش منه يا دكتور ... دا «أرتست».

الدكتور: جرى له إيه؟! عمره ما تهور زى النهارده!

سومة: ما انت يا دكتور اللي شتمته قُدامنا!

المأمور: علشان خاطر الست تصفح عنه يا دكتور، وخليه يسمعنا!

الدكتور (لسالم): طيب ... قول ... والسلام.

عيسوي: قول بقى يا سالم.

سالم: مزاجى اتلخبط خلاص!

زكريا (لنفسه): الحمد لله!

المأمور: قول علشان خاطر الست.

سالم: يا سلام! أنا أخدم الست برقبتي. أنا في دي الساعة! أنا في حلم والًا في علم! حد كان يصدق إني كنت أعيش وأشوف الست اللي في الماكينة، واللي اسمها ملو الدنيا كلها! أشوفها بعينى، وبينى وبينها قيمة قصبة!

المأمور (وعيسوي معًا): وتسمعك!

سالم: قال وتسمعني؟ مش ممكن!

المأمور: اللي حصل!

(لحظة صمت.)

سامي (في ضيق يلتفت إلى النافذة): يلله بينا بقى ... شيء يضايق!

سومة: أنا منتظرة الغنوة!

المأمور (لسالم): سامع؟ تشجع بقى!

عيسوي: يا سالم قول!

سومة (لسالم): تحب أشجعك الأول؟

(لا تنتظر جوابًا، وفجأةً تُغني بصوتها الرخيم أغنية «خايف يكون حبك ليّ شفقة عليّ.» وهي تنظر بطرف عينها إلى سامي، المُطرق المضطرب، ويقف سالم بأرغوله كالتمثال غير شاعر بنفسه. وبغير وعي يرفع أرغوله ويزمّر مُعقبًا بعدَها.)

الحرمة (على رأس العيانين، وأنفار الغيار يقتربون من الباب يستمعون): يا حضرة الصحة!

الدكتور (يفيق من نشوة الطرب، ويلتفت إلى العيانين): الله! اطرد العيانين! المأمور (باسماً): يا ترى زمان الأنفار بيقولوا إيه في عقل بالهم؟!

سائم (یطرد المرضی بالباب): هس ... سمع ... بره یا عیان انت وهوه ... سمع!

طوبة (همسًا لزكريا): خُد بالك ... قال ده اسمه بيسكّت عيانين!

سالم (يعود إلى قرب سومة في حُزن وكآبة): والست مسافرة برده دلوقت حالًا؟

سومة (تنهض): طبعًا، دلوقت حالًا، إحنا بس حبينا نسمعك قبل ما نقوم. وسمعناك، وانبسطنا قوي، وأنا متشكرة خالص ... يلله يا سامى!

الدكتور: الست سومة شرفت الصحة والبلد بزيارتها التاريخية دي، وإن شاء الله ما تكونش دي آخر زيارة.

المأمور وعيسوي (معًا): بالطبع. مش آخر زيارة!

سومة (تبتسم): بالتأكيد، المانتو بتاعي فين؟

الدكتور: سالم ... بالعجل المانتو بتاع الست.

عيسوي: المانتو بتاع الست، تحت في الشمس مع الشوفير!

الدكتور (لِسالم الواقف بِلا حراك): سالم، واقف كده ليه؟ ... روح بسرعة شوف المانتو.

(سالم يظلٌ واقفًا مُطرقًا، ثم يرفع رأسه، ويُشير إلى الدكتور برأسه طالبًا أن يُسرُّ إلى أمرًا.)

عايز إيه؟ ... كلمة سر يعني؟ طيب قول! (يدنو منه ويُعطيه أُذنه لحظة، ثم يصيح به): إنت مجنون؟!

سالم: بس اترجّاها حضرتك، ومالكش دعوة!

الدكتور (في حدة): مُستحيل أقول كلام زي ده ... امشي هات المانتو!

سالم: مفيش بالطو!

المأمور: إيه الحكاية؟

الدكتور: الواد سالم اتجن. قال عايزني أترجّى له الست علشان تسفّره معاها!

زكريا وطوبة (معًا): الله أكبر!

(سامي ينظر إلى سالم مُحدقًا.)

عيسوي: بصفة إيه؟

سالم (يتقدم): الصفة اللي تشوفوها يا سيدنا البك. أي شغلة والسلام عند الست!

المأمور: ووظيفتك؟

سالم: أستعفى حالًا في عرضكم!

سومة: إيه رأيك يا زكريا، تعلمه؟

زكريا: لأ، اعملي معروف، ما ينفعناش!

سالم: أنفع يا سيدنا زكريا أبوس رجلك!

زكريا: تتعبني من غير فايدة. شغل التخت بتاعنا حاجة تانية بالمرة!

سالم: طيب بلاش التخت. شغلوني شغلة تانية!

طوبة: حاضر ... لما نبقى نقفل الصالة ونفتح اسبتالية نبقى نجيبك.

سومة: مُتأكد يا زكريا إنه ما ينفعناش؟

زكريا: طبعًا ما ينفعناش. بس نجيب تمرجي من الصحة نقعدُه على تخت صالة، إيه المناسبة؟!

سومة (لسالم): أنا مُتأسفة خالص!

الدكتور: سامع يا سي سالم. اعقل بقى وروح شوف أشغالك، وراك عيانين تغير لهم.

سائم (ثائراً): ملعون أبو العيانين لأبو اللي يغير لهم. أنا يا خلق هوه مُت خلاص من الشغل ده! ... يا ست هانم اشتريني من غير فلوس. أبوس مداسك. شغليني مرمطون والّا اصبغيني عبد تنتون!

سومة: إذا كان كده تقدر تشتغل مرمطون في أي بيت.

سالم: لأ، عندك بس!

سومة: ليه بقى؟

سالم: لأن أنا واحد ابن كار، لازم أعيش عند أهل الكار، عند ملكة الكار كله، في مصر وبر الشام!

سومة: طيب تعالى!

سالم: آجي؟ صحيح؟ سامعين؟ شاهدين؟ (يصيح هاتفًا) يحيا العدل!

سومة (باسمة): بس روح أولًا شوف المانتوه!

سالم: حاضر ... فين هو البالطوه؟

(يخرج يجري.)

عيسوي (ضاحكًا): طار من الفرح!

المأمور: زأطط!

الدكتور: والمجنون حايقوم دلوقت، قبل ما نخطر، وييجى البدل؟

المأمور: فضك! افرض إنه قام في أجازة مرضية!

زكريا (لسومة خافتًا): ورايحين نعمل به إيه ده يا ست سومة؟

سومة (همسًا): مش عارفة!

(سائم يدخل بالمانتو يحمله على كفّه في احترام.

عيسوي وكذلك الدكتور والمأمور يُسارعون فيتناولون المانتو ويُلبسونه لسومة.) سومة: مرسي. مين بقى يعطي خبر للأسطى إبراهيم الشوفير بتاعى؟

المأمور: الشوفير واقف بالأوتومبيل عند بركة السبع، نقدر نطلب من هنا نقطة بركة السبع حالًا!

الدكتور: اسمع يا سالم (يشير إلى التليفون) اطلب نقطة بركة السبع بسرعة!

سالم (في نشاط عجيب وفرح يُمسك التليفون): حاضر. (يتكلم في التليفون) يا مركز تلا. يا مركز تلا. إنت مين؟! رد على يا مركز!

المأمور: عامل التليفون بيلعب، قول له البك المأمور طالب السكة!

سالم (يستأنف الكلام في التليفون): يا مركز، يا عبد المقصود، رد علي ... البك المأمور واقف طالب السكة، إدّيني بركة السبع، إنت مين؟ ميت حبيش القبلية ... عايز بركة السبع. أنا «تلا» بقول لك «تلا» جاتك البلا. إيه؟ اختشي، أنا أتلهي على عين أمي، اسمع يا واد يا عبد المقصود، الزم مركزك، الكلام ده فيه مسئولية عليك! ... أنا إيه؟ جحش! إنت اللي جحش!

طوبة: سابوا السكة ونزلوا في بعض تسبيخ!

الدكتور: خبر إيه يا سالم؟

سائم (في التليفون): يا بركة السبع، يا بركة، يا بركة، يا بركة ... إنت مين؟ ... اسكتي يا ميت حبيش يا قبلية ... أنا عايز بركة السبع! ... إيه؟ مشغول مع تفتيش الري؟! (يضع السماعة.)

المأمور: بركة السبع مشغولة مع تفتيش الري.

عيسوي: عربيتي «الباكار» توصلك بقى يا ست سومة، ما تعمليش تكليف، ونبقى نعطي خبر للأسطى إبراهيم يحصلك على مصر، الباكار آهي جاهزة على الباب بالشوفير!

طوبة وزكريا: دا أحسن حل!

سالم: مش أنزل أركب في الكومبيل يا ست؟

زكريا: كومبيل إيه؟ ... رايح تركب فين بس؟ ... الأوتومبيل يا دوب يسعنا إحنا الأربعة، تلاتة جوة، وواحد جنب السواق، وانت تروح فين؟

سومة: صحيح، لك حق. راح يركب فين؟

سالم: أركب على الرفروف!

زكريا: رفروف! تركب من هنا لمصر على الرفرف؟!

طوبة: علشان يقع في السكة يعمل لنا حادثة تانية، ويعطل الأوتومبيل ده راخر!

سالم: ما يكونش عندكم خوف. اربطوني بحبل بلا قافية زي قفص البلح!

الدكتور (ينظر إلى ملابس سالم البيضاء): ورايح حضرتك كده بفوطة الصحة؟

طوبة: ومربوط على الرفرف بحبل؛ علشان يقولوا علينا خاطفين تمرجي!

سالم: لكم علي أقلع الفوطة واتهيأ حالًا أربعة وعشرين قيراط. (يخرج جاريًا.)

سومة (تتحرّك نحو الباب، تتهيّأ للانصراف): أنا ممنونة قوي يا دكتور، وإن شاء الله أحب تزورني في مصر. وانت يا حضرة المأمور طبعًا. عيسوي طبعًا مش قادرة أشكرك على ضيافتك اللطيفة. (تخرج مع سامي الذي يُسلّم صامتًا.)

طوبة وزكريا (يتحركان نحو الباب خلف سومة وسامي): إن شاء الله تشرفونا في مصر!

عيسوي (لسامي وهو يُسلِّم عليه باليد في صمت): الأستاذ سامي برده مش مبسوط؟ أظن صحتك أحسن من ليلة امبارح!

سامي (في برود): الحمد لله!

(سالم يدخل مُهرولًا قبل خروجهم من القاعة، وهو يرتدي جاكتة على الجلابية، وطربوشًا على رأسه.)

سائم (يُشير إلى زيّه الجديد في تفاخر): كده كويس يا ست؟!

الدكتور (همسًا لسالم): جبت منين الجاكتة دي والطربوش؟

سالم (يغمز بعينه): كلام في السر! (بصوت مرتفع) نشوف وشك في خير يا سي الدكتور!

الدكتور: يعني خلاص إنت مستعفي؟ أنا أراهن إن ما كنت ترجع لنا تاني بعد أسبوع أو اتنين ... جنانك ده أنا عارفه طيب!

سالم: لأ ما تخافش. دي آخر مرة، على كل حال ما انساش جميلك أبدًا، سلم لي على الست الصغيرة والست الكبيرة، وجميع أهل المنزل بما فيه البت مرجانة اللي لون صبغة اليود! (يخرج مع الجميع.)

(الجميع يخرجون، وتبقى القاعة خالية. ويسمع بوق السيارة وحركة مسيرها في الخارج.)

عبد المطلب (يدخل مسرعًا بدون جاكتة وطربوش): يا دكتور! يا دكتور! مين أخد جاكتتي وطربوشي من فوق المسمار؟! (ينظر في أنحاء الحجرة) مفيش حد هنا؟ (يخرج وهو ينادي) يا سائم ... يا سائم يا تلاوي!

## في مونمارتر

## الشاعر

أنت تعرف عادتي ورغبتي يا جان: حساء البصل «سوب ألونيون» ونبيدًا أبيض!

- وقلمًا وورقًا؟
- القلم والورق معي.

فأحضر الساقي خرقة جعل يمسح بها خوانًا أمامي من الخشب، نقش عليه بمطواة بعضُ العابثين صورة امرأة عارية تتمطّى كعاريات «موديجلياني» ثم نظر إلي وابتسم: أما زلت تكتب الشعر على طريقة ماكس جاكوب؟!

قالها في صوت غامض غريب. فصحت به للفور: قلت لك يا جان ذاك عهد مضى. عهد مونبارناس وقهوة «الدوم». أما الآن في مونمارتر، فأنا إنسان آخر أصنع شيئاً آخر.

- تكتب «شهرزاد». هل فرغت منها؟
- أوشكت. ولا ينقصني غير موسيقى من طراز «استرافنسكي». لقد عرفت هنا موسيقيًا مجريًا من نوعه. وأنضر قلبًا منه. قد ينفعني، لكن المعضلة ليست هنا ...

وأمسكت عن الكلام؛ إذ مثل لفكري فجأة ختام «شهرزاد» الذي حرت في تصوره منذ أيام. ورأى جان شُرود ذهني فانصرف عني تأدبًا، وتناول قبعتي «الفنية» السوداء ومعطفي الطويل الأسود يقطران بماء المطر، فعلقهما على مشجب بجوار النار وعاد يقول: أتعرف جورج أوريك؟ كان يجلس إلى هذا الخوان. أما الآن فهو موسيقي معروف. أنت كذلك من يدري مصيرك غدًا؟

فضحكت على الرغم مني: أشكرك يا جان. مصيري مظلم. لو عرفت الحقيقة. حتى مونمارتر بكل أسرارها وسحرها لم تستطع شيئًا معي. إنها جعلتني أفكر وأبحث كما ترى. لكن ما النتيجة؟ إن جورج أوريك قد وصل لأنه بنى على ماضٍ قريب. أما أنا

فليس لي ماضٍ قريب. أمامي أن أنفذ إذن إلى ذلك الماضي السحيق الذي كادت تدرس معالمه تحت رمال الزمن ...

فهز جان رأسه، ثم رفع يده إلى لفافة تبغ يحملها فوق أذنه اليسرى فأشعلها وطفق يدخن. ثم تناول مكنسة وأخذ يكنس القهوة استقبالًا للصباح الذي يبزغ عما قليل. ولم يكن بالمكان وقتئذ غيري وغير رجلين من اللصوص، أو الطغام أو الفنانين العظام! كانا واقفين أمام «بار» الزنك يشربان قهوة سوداء ويأكلان خبزًا صغيرًا، وفي أحد الأركان امرأة من مومسات الحي، أو بنات الهوى المتجولات المختلفات إلى ذلك المكان ممن كنت أسميهن «قطط المحل» ... جالسة في هيئة من الكلال وسوء الحال تستثير الإشفاق، وهي بين آن وآن تتأمل وجهها الباهت تحت الطلاء في مرآة بالحائط كتب عليها بحروف من الجير: «قهوة سيرانو».

أقبل جان بالحساء والنبيذ، فلم أتحرك ولم أكف عن التأمل. فنظر إلي الخادم قليلًا ثم قال: أرى الوحي لا ينزل عليك إلا آخر الليل!

- صدقت يا جان. هو لا ينزل إلا بنزول عربات الرش تدوي بها الشوارع الهادئة، وأصوات قطرات الخضر المبكرة توقظ مخلوقات الله الوادعة!

فضحك الرجل. وطويت ورقي وألقيت بقلمي. ودسست ملعقتي في الحساء ورفعتها، وقد علقت بها خيوط الجبن الممزوج بالبصل، والتهمت، ثم التفت إلى الخادم: أتدري أين كنت الليلة يا جان؟

فأجاب جان من فوره في صوت العارف الواثق: في حانة «الأرنب الخفيف».

- كلا، بل كنت هنا ...

وأشرت إلى مقصف «الفأر الميت» على مقربة من القهوة. ذلك المرقص المشهور الكثير النفقة، فبدا الخبث في عيني جان وشفتيه وقال في صوت المرتاب: وأين لك بالنقود؟

سبحان الله يا جان! أين لي بالنقود؟ من تحسبني أيها المخلوق؟!

فضحك جان وقال: أحسبك رجل فن. وبين الفن والمال عداوة قديمة!

فأطرقت في إذعان وتسليم وقلت في تنهد: هذا صحيح. ومتى تزول هذه العداوة القديمة يا جان؟ ومتى تُعقد الهدنة على الأقل؟ إن المال حلو يا جان. إن النقود جميلة. إن مظاهر الغنى والبذخ والإنفاق والسعة هناك في «الفأر الميت» لشيءٌ يجدد الحياة

ويطيل العمر! نعم. كنت هناك الليلة. اطمئن يا جان؛ أصدقاء موسرون هم الذين تفضلوا بدعوتي فلبيت مرغماً، وتكلفوا من أجلي خمسمائة من الفرنكات ثمن زجاجتين من الشمبانيا الفاخرة. ولا يغيب عن فطنتك يا جان أن هذا مكان يؤمّه أهل الطبقة العليا. فلا ترى حولك إلا أردية السهرة وأقمصة منشاة وأربطة للعنق بيضاء، ولكني أخذت على غرة، فلم أستعد للسهرة ودخلت على أولئك القوم وأنا على ما ترى من هيئة نظيفة! دون أن أحلق ذقني على الأقل ... ودون أن أنظم حتى شعري المبعثر الأشعث في سبيل «أبولون»!

فنظر إلي الخادم من رأسي إلى أخمص قدمي متفحصاً، ثم ابتسم لمنظري وقال: وأي بأس؟ أنت من فصيلة الشعراء!

- ماذا تقول؟
- مباح لكم كل شيء!
- آه لهذه الحرية التي يحسدوننا عليها! ما قيمتها بغير نقود!

لن أنسى مظاهر النعمة التي رأيتها هناك. لن أنسى أني جلست كما تراني الأن بين القوم الأغنياء، وأجلسنا معنا غانيتين «بول دي لوكس» لم تر عيني أجمل منهما صنعاً! القوم الأغنياء، وأجلسنا معنا غانيتين «بول دي لوكس» لم تر عيني أجمل منهما صنعتهما أيدي حلاقين مهرة فجرة! أجل يا جان. صدقني! أي تماثيل حية! أين فيدياس وبراكسيتيل يشاهدان اليوم أعاجيب صالونات الزينة ومعاهد الحسن! لم تعد المرأة الوحي والإلهام للخلق الفني، ولكنها أصبحت هي نفسها قطعة فنية وخلقاً فنياً. وأصبح اللايدة، أو من الحسن الكثير، فلم أنتبه إلا وأنا بين ذراعي حسناء أرقص معها على أنغام المجاز رقصة «البلوز» — كما قيل لي — بين رهط من الراقصين الحاذقين ... وأنا لا أعرف الرقص ما هو ... وما أحببت يوماً أن أعرفه. وحانت مني التفاتة إلى مرأة الحائط، فإذا على رأسي طرطور أحمر مذهب الحواشي. وإذا أنا ملتف في حبال من ورق «السربانتان» فسرت في جسدي رعدة واستدرت حولي، فإذا الجميع مثلي، صغيرهم وكبيرهم، قد لبسوا الطراطير والقلانس والتيجان من الورق المقوّى مختلف الألوان، واختلطوا في رقص متلاطم عربيد، كرقص عباد «ديونيزوس». أجل يا جان. كانت للية بديعة. إنك لا تتصور كيف يمكن للإنسان أن يستمتع بالعيش هنا في مونمارتر، وعلى مقربة منك! إن هذا «الفأر الميت» لمفعم بالحياة!

صمت جان لحظة، ثم رفع رأسه وهزّه ثم قال: كلا. كلا يا مسيو «الحكيم»، كلا.

حياتنا نحن في الركن الحقير. قهوة «سيرانو» وأمثالها وحانات «القط الأسود» و «الأرنب الخفيف» و «أرستيد برويان» و «الجنة» و «الجحيم»... إلخ ... تلك مونمارتر الحقيقية، أما «الفأر الميت» وأشباهه فمصايد الاقتناص المال من جيوب الثراة.

تفكّرت قليلًا في كلامه فوجدته الصواب، فصحت: برافو يا جان. مرحى وألف مرة مرحى! هذا كلام عميق ما تقوله الآن. هذا حق. أتعلم لماذا تركت أنا مونبارناس وجئت أعيش في مونمارتر؟ أحسست بما تقول أنت الآن: إن روح التجارة وقنص المال تكاد تعم مونبارناس الذي ينافس حينًا هذا حتى ليكاد يقتله. شعرت أن مونبارناس ليس إلا حي السائحين من جميع الأجناس، وحيث يظهر السائحون يظهر البذخ والكذب والادعاء، نعوت ثلاثة يهرب منها الفن هربًا. وأحسست من ساعتي أن مونمارتر في أنحائها السافلة الفقيرة ما تزال مرتع الفن الخصيب والفكر الحر. نعم. لكم تنتعش نفسي إذ أجوس خلال هذه الجهة: شارع «روششوار» ... شارع «بلانش» ... ميدان «ترتر». تلك المناطق المتواضعة التي خلّدها موريس أوتريللو في صوره ولوحاته ...

فقال خادم القهوة سريعًا في إعجاب يلمع في عينيه: أوتريللو؟ لقد أتى هذا أيضًا وجلس في هذا الركن وسمعت حديثه ...

- في هذه القهوة. وأي غرابة؟ ... إنه لا يستطيع، رغم شهرته الآن، أن يسلو حياة التشرّد في مونمارتر. ولا يريد أن يهجر هذا الحي الذي نشأ فيه. ما أجمل هذا الإخلاص! إنه ولا ريب المحب الأمين الذي لم تبرد عاطفته نحو مونمارتر! لدي بعض صور منقولة عن لوحاته، لكن لست أنظر فيها الآن كثيراً، إني أدّخرها للغد، يوم لا أجد عزاء غير الصور. أما الآن فإن مونمارتر تحتويني بذاتها وحقيقتها، وتهمس في نفسي بكل شعرها وبكل موسيقاها الداخلية التي لن يخفت لها صدًى ما دمت أعيش.

وسكت قليلًا إذ بدا علي شيء من التأثر، فسألني جان: أتنوي أن تعيش هنا طويلًا؟

قلتها من كل قلبي وأنا أرى شبح المصير الذي ينتظرني.

- يا ليت ...

- اسكت يا جان! لا تذكرني بالغد. إني الآن أعيش، حسبي هذا. أعيش في مونمارتر، فردوس الفن ... الذي سأفقده يوماً. سوف أذكره مع الحسرات، وأذكر حياتي الشاردة بين قهوة سيرانو وحانة «الأرنب الخفيف»، وسوف تتمثل لي كل لحظة تلك الحانة المظلمة بنورها الضئيل وروادها الجالسين إلى براميل انقلبت موائد، ينظرون إلى رسوم

على الحيطان وتماثيل كلها ذوق في التصور، ولذع في الفكاهة، وغرابة في الأداء، وينصتون إلى أغاني القرون القديمة وقد بعثت في ثوب جديد من مغنين وشعراء حديثين موهوبين، ويشربون «البورتو» ممزوجاً بالكرز، ويضحكون من نكات الساقين الظرفاء مثلك يا جان، تلك النكات الرشيقة المبطنة بحسن الذوق وعلو الكعب في التخيل والشعر. حانة ساقوها وخدامها شعراء ومغنون. أليس منهم نبغ «كاركو» و «دورجليس»؟! كما نبَغَت «إيفيت جيلبير» من قبل؟

- أتذهب إلى تلك الحانة كل ليلة؟

أكثر الليالي عندما كنت أقطن بجوارها، أما الأن فإني أقطن في ناحية أخرى من الحي، شأني في كل شهر. ما أحلى التنقل والحرية يا جان! مسكني اليوم في شارع «روششوار». حجرة تحت سقف منزل يحتويني أنا وشرذمة من المصورين «الكوبست». وأفتح نافذتي فأرى قبة كنيسة «ساكريه كور» البيضاء في متناول يدي، كأنها بيضة صورتها ريشة «جيورجيو دي شيريكو». شيء واحد يزعجني في حجرتي الجديدة: المطر الذي يتسلّل من خلال السقف، فأتقيه بإناء أضعه في الفراش على رأسي طول الليل! نعم يا جان، تلك حياتنا كما تقول، لكني أحبها مع ذلك ولا أريد سواها. وأرى الجمال فيها أينما حللت، حتى مقبرة مونمارتر كنت أراها من نافذة حجرتي السابقة، قائمة فيها أشجار الكستناء يغطيها الجليد أيام «النويل»، فكأنها ملائكة بيضاء. ما أبدعه منظراً يا جان! لو شاهدته عيناك ...

فرفع الخادم رأسه ثم قال: حقًا منظر جميل! ما للشعراء دائمًا من بضاعة غير الجمال! ألديك سيجارة على الأقل يا مسيو «حكيم»؟

و لا كبريت يا مسيو جان، مع الأسف. أنسيت أنى لا أدخن؟

- حقيقة، حقيقة أنت لا تدخن قط، مع الأسف الشديد!
- خمسة أشياء لم أفعلها قط في حياتي: شرب الدخان، ولبس القفاز، وحمل الساعة، وركوب الدراجة، والعوم!

فضحك الخادم ضحكة كبيرة، وكنت قد مسحت إناء الحساء مسحاً، ومحوت وجود النبيذ محواً، فحمل جان الكوب والإناء وابتعد، وأردت أن أعود إلى ورقي فإذا الساعة تدق منتصف السادسة، وإذا النهار يطلع، وشاهدت من خلال زجاج الباب بعض العمال والعاملات في الطريق زرافات ووحدانًا تمشي مسرعة إلى الترام والمترو، وفي أيدي الجميع صحف الصباح. فطلبت إلى جان قبعتى ومعطفى، فأحضرهما وهو يقول: لماذا

## تنصرف مبكرًا الليلة؟

- مبكرًا؟
- إنك لم تكتب حرفًا.
- لقد أدركنا الصباح يا جان. و «شهرزاد» تسكت عن الكلام والإلهام إذا أدركها الصباح.

فابتسم جان وتأمل لحظة، ثم قال: إنها كمونمارتر.

فحملقت في وجهه بعيني دهشاً، ولكنه استطرد يقول: مونمارتر كذلك تسكت عن الكلام والإلهام إذا أدركها الصباح!

فألقيت بقبعتي على الخوان متحمسًا وصحت به: جان! واحد من أمرين: إما أنك ذكى الفؤاد، وإما أنك شاعر بالسليقة. سمّ نفسك ما شئت، إنما أنت الآن تقول قولًا صادقًا جميلًا بدون أن تشعر: إن مونمارتر هي شهرزاد. وإني - لو عرفت الحقيقة -ما قطنت هذا الحي عبثًا. ولسوف تقرأ «شهرزادي» وتتعرف فيها ملامح مونمارتر. إن «شهرزاد» في نظري لم تكن يومًا قصة الخيال والبذخ والخرافة، كما فهمها الشاعر «كاتول منديس» في قصيدته ... والموسيقي «ريمسكي كورساكوف» في قطعته السانفونية، لكنها عندي قصة الفكرة والحقيقة العليا، قصة الروح التي خرجت من المادة. كذلك مونمارتر التي اشتهرت بلهوها وانغماسها في بؤرة المادة ... أي روح تخرج منها كل يوم فياضة بالخلق والإبداع! مونمارتر هي تلك المرأة اللعوب ذات الروح العميقة، هي غانية تنام النهار وتسهر الليل، تكشف لعشاقها محاسن الحياة وأسرار الحياة. هي أيضاً كشهرزاد تعمّر الليل بأقاصيصها وحكاياتها عن الحب والفن حتى الصباح، فتسكت عن الكلام المباح وغير المباح! ولكن شهرزاد قالت ما عندها في ألف ليلة وليلة، ثم سكتت سكتة الأبد؛ لأن زوجها وعشيقها شهريار كان قد أصغى إليها وانبهر مما سمع، فزالت عن عينيه غشاوة الماضي، وأبصر ما في الحياة وما بعد الحياة من معان وأسرار. وأدرك أنه قبل أن يعرف شهرزاد ما كان إلا طفلًا يلهو ويعبث كل ليلة بزوجة يقتلها في الصباح، فإذا هو مع شهرزاد يرى في الحياة أشياء أخرى غير مجرد اللهو والعبث. إن شهرزاد مربية شهريار ومثقفته في «ألف ليلة وليلة» قد صنعت منه رجلًا، ثم صيرته بعد ذلك شيئًا آخر غير الرجل: ما بعد الرجل ... مونمارتر كذلك تدخلها طفلًا يلهو فتصير رجلًا يشعر ويحس، ثم تتركها مخلوقًا يتأمل ويفكر ... أي تأمل وأي تفكير؟ شهرزاد قامت بمهمتها في ألف ليلة وليلة، أما

مونمارتر فتقوم بمهمتها في كل ليلة منذ مئات الأعوام ... لا مع رجل واحد، لكن مع رجال كثيرين. لا مع كل إنسان، لكن مع الإنسان الذي يصغى إليها ويجلس بين يديها ويعرف لغتها ويفهم عنها، وينفذ إلى روحها السحيقة من خلال ظاهرها اللاهي الماجن المبتدل الخفيف. نعم يا جان، بل إنى أريد أن أقول أكثر من هذا؛ أريد أن أقول إن مونمارتر ليست قط تلك المرأة الفاجرة التي توحى باللذة السافلة، كلا، إنها في أعماق نفسها امرأة لا توحى بغير الطهارة الكاملة. أقسم لك يا جان أنى في حياتي ما أحسست الطهارة العليا الكاملة إلا في هذا الحي الخليع! أتصدق هذا؟ أتعرف السبب؟ السبب بسيط الحرية. تلك الحرية المطلقة في إتيان أية رذيلة بدون خشية قيد أو تحريم. هذه الإباحة للرذيلة زهدتني في الرذيلة نفسها. إن الإنسان بطبعه يطلب الممنوع عنه المحرم عليه، ويزهد في المباح. إن الملك شهريار الذي استمتع طول حياته السابقة بالنساء وباللذة الجسدية كاد يقتله الملل، فصار يقتل كل امرأة بعد ليلة واحدة، حتى جاءته شهرزاد فكشفت له عن اللذة الروحية، فإذا هو ينقلب إنسانًا يعشق كل ما هو روح، ويمقت كل ما هو مادة، وإذا هو يصيح كلما عرضت له المادة: «شبعت من الأجساد ... شبعت من الأجساد!» هذه الصيحة انطلقت من فمى يوماً ... كما انطلقت من فم كل فنان في مونمارتر. أرأيت كيف أن مونمارتر هي في حقيقتها مملكة الروح لا مملكة المادة! أكثر من هذا أيضًا يا جان: مونمارتر هي النافذة المفتوحة على بيداء الفكر المهلكة، هي المحطة التي يبدأ منها كل فنان أو مفكر رحلته المخيفة في طريق البحث عن الحقيقة العظمى. علمته مونمارتر التفكير فاتجه إليه هازئا بالعاطفة، غير حافل بأعباء السفر، حتى يظفر بالمجهول. ألا تذكر: بيكاسو، جان كوكتو، إيريك ساتى، زادكين ... إلخ. أسماء في التصوير والشعر والموسيقي والنحت ذهبت مغامرة في تلك البيداء ... لا يعلم أحد أتعود أم لا تعود. كذلك شهرزاد أوحت لزوجها بجمال الفكر، فخلع عنه العاطفة، وانطلق يهيم في تلك الصحراء خلف سراب العقل والفكر ... لا يعلم أحدُ أيعود هو أيضًا أم لا يعود، كل هذا وشهرزاد باقية كمونمارتر ترمق محبها القادم والراحل بتلك النظرة العميقة، وتلك الابتسامة التي لا يدرك لها كنه.

وصمت قليلًا، ورفعت عيني إلى جان فإذا هو واقف بغير حراك يصغي وكأنه في حلم. ودخل القهوة رهط من العمال والعاملات، يطلب كل قدحًا من القهوة وخبزًا صغيرًا، فانتبه الخادم وانصرف إليهم مسرعًا، ولبست أنا قبعتي ووضعت معطفي فوق منكبي وضعًا ... وتوجهت إلى حجرتي ... أسدل سجفها حتى لا يزعجني الضوء ... وأملأ زجاجة الماء الساخن، أضعها تحت قدمي خوف البرد، وأنام حتى مطلع الليل، شأن الفنانين عشاق مونمارتر المدللين ... الخاضعين لهذا الشعار: «حياة الليل وموت

دمنهور، مایو ۱۹۳۳م